

四庫全書

子部

欽定四庫全書

子部
外科理例卷三

詳校官太醫院吏目_臣宋桂

編修_臣倉聖脈覆勘

總校官庶吉士_臣何思鈞

校對官助教_臣胡予襄

謄錄監生_臣王時發

欽定四庫全書

外科理例卷三

頭面赤腫一百

裏實而不利者下之

表實而不解者散之

表裏俱實而不解者解表攻裏

表裏俱解而不消者和之

明汪機撰

腫甚焮痛者砭去惡血更用消毒之劑

不作膿或不潰者托之

飢年晉患者不宜用峻利當審而治之

時毒者爲四時邪毒之氣感之於人也其候發于鼻面耳項咽喉赤腫無頭或結核有根令人增寒發熱頭痛或肢體痛恍惚不寧咽喉閉塞人不識者將爲傷寒便服解藥一二日腫氣益增方悟始求瘡醫原夫此疾古無方論世俗通爲丹瘤病家惡言時毒切

恐傳染考之經曰人身忽經變赤狀如塗丹謂之丹毒此風熱惡毒所為與時毒特不同耳蓋時毒初狀如傷寒五七日間乃能殺人治者宜精辨之先論其脉滑數浮洪沉緊弦濇皆其候蓋浮數者邪在表也沉濇者邪氣深也氣實之人急服化毒丹以攻之熱實不利大黃湯下之有表証者解毒升麻湯以發之年高氣軟者五香連翹湯主之又于鼻內搐通氣散取十餘嚏作効若搐藥不嚏者不可治如嚏出膿者

治之必愈左右之人每日用嚏藥搗之必不傳染其
病人亦每日用嚏藥三五次以泄熱毒此治時毒之
良法也經三四日不解者不可大下猶宜和解之犀
角連翹散之類至七八日大小便通利頭面腫起高
赤者可服托裏散黃芪散宜針鐮出血泄其毒氣十
日外不治自愈也此病若五日已前精神昏亂咽喉
閉塞語聲不出頭面不腫食不知味者必死治之無
功矣然而此病有陰有陽有可汗有可下粗工但云

熱毒就用寒藥殊不知病有微甚治有逆從不可不審也

一人頭面腫痛服硝黃敗毒之劑愈甚診之脉浮數邪在表尚未解用荆防敗毒散二劑勢退大半更以葛

根牛旁子湯四劑而痊

此憑脉發表

經云身半已上腫天之氣也身半已下腫地之氣也乃邪客心肺之間上攻頭目而為腫此感四時不正之氣也與膏粱積熱之症不同硝黃之劑非大便秘實

不可用若不審其因及辨其虛實表裏概用攻之必致有誤常見飢饉之際芻蕘之人多患之乃是胃氣有損邪氣從之不可不察予常治邪在表者用葛根牛旁子湯人參敗毒散或普濟消毒飲子邪在裡者五利大黃湯梔子仁湯表裏俱不解者防風通聖散表裏俱解而腫不退者犀角升麻湯腫甚者砭患處出惡血以泄其毒十日外自愈若噤出膿血即愈欲其作膿者用托裏消毒散欲其收斂者用托裏散此

法最為穩當五七日咽喉不閉言語不出頭面不腫
食不知味者不治

一人患此腫痛發熱作渴脉實便閉以五利大黃湯下
之諸症悉退以葛根牛旁子湯四劑而痊

此憑脉
攻裏

一人表裏俱解腫痛尚不退以葛根升麻湯二劑而消

此憑
症也

一人腫痛發寒熱脉浮數以荆防敗毒散二劑少愈再

人參敗毒散二劑勢減半又二劑而瘥

此憑脉
發表

一人耳面赤腫作痛咽乾發熱脉浮數先以荊防敗毒

散二劑勢退大半又以葛根牛旁子湯四劑而痊

憑脉

發表

一婦表邪已解腫尚不消診之脉滑而數乃瘀血作膿

也以托裏消毒散潰之而愈

此憑脉托裏消毒也

一人炊腫脹痛作渴煩熱便秘脉數按之尤實用防風

通聖散一劑諸症頓退以荊防敗毒散加玄參牛旁黃

芩二劑而差

此憑症憑脉發表攻裏

一老冬月頭面耳項俱腫痛甚便秘脉實此表裏俱實也飲防風通聖散不應遂砭患處出黑血仍投前藥即應又服荆防敗毒散而瘳蓋前藥不應者毒血凝聚上部經絡藥力難達故也惡血既去其藥自効或拘用寒遠寒及年高畏用硝黃而用托裏與夫尋常消毒之劑或不砭泄其毒專假藥力鮮不危矣

此捨時從

症

一人表裏俱解惟腫不消以托裏消毒散四劑膿成針

之而愈

此憑症而治

一婦腫痛用硝黃之劑攻之稍緩翼日復痛診之外邪

已退此瘀血欲作膿也用托裏消毒散潰之而愈

此憑

脈與症也

一人表散藥愈熾發熱便秘診脈沈實此邪在裏也以

大黃湯下之裡症悉退以葛根牛旁子湯浮腫亦消

惟赤腫尚存以托裏藥潰之而愈

此憑脈與症也

一人冬月病頭面赤腫耳前後尤甚痛不可忍發熱惡

寒牙關緊急涕唾稠粘飲食難下不得安卧醫砭腫
上四五十針腫赤不減痛益甚予診其脉浮緊按之
洪緩知爲寒覆皮毛鬱遏經絡熱不得升聚而赤腫
且夫天令寒冷之時腠理閉汗不出血氣強肉堅瀋
善用針者不得取四厥必待天溫又云冬月閉藏用
藥多少針石也宜以苦溫之劑溫經散寒所謂寒緻
腠理以苦發之以辛散之

方名

托裏溫經湯

麻黃

苦溫發之為君
去根節二錢

防風

辛溫散之
去芦二錢

升麻

苦辛
四錢 葛根

甘平解肌出汗專治
陽明經邪故以為臣

白芷歸身

血流行則痛白芷
歸身辛溫以和血散

滯各二錢 蒼朮

濕熱則腫蒼朮甘溫體輕浮力
雄壯能泄膚腠間溫熱二錢

人參

去芦
一錢

甘草

甘溫
白芍藥
酸微寒調中益氣使
托其裡為佐各錢半

右剉每服一兩水二盞先煎麻黃令沸去沫再下餘

藥同煎至一盞去渣大溫服訖以薄衣覆首厚被覆

身卧煖處使經血溫腠理開寒乃散陽氣升大汗出

腫減七八分再服去麻黃防風加連翹鼠粘子腫痛
悉愈經言汗之則瘡已信哉

或曰仲景言瘡家雖身痛不可汗何也予曰此言營
氣不從逆于肉理乃主癰腫而作身痛則非外感寒
邪作痛故戒不可汗汗之則成瘡又問仲景言鼻衄
者不可汗復言脈浮緊者以麻黃湯發之衄血自止
何也予曰血與汗異名同類奪汗者無血奪血者無
汗今衄血妄行爲熱所逼更發其汗反助邪熱重竭

津液必變凶症故不可汗若脉浮爲在表緊則爲寒
寒邪鬱遏陽不得伸熱伏榮中迫血妄行上出于鼻
故用麻黃湯散其寒邪陽氣得舒其衄自止潔古之
學可謂知其要矣

泰和二年四月民多疫癘初覺增寒體重次傳頭目腫
盛目不能開上喘咽喑不利舌乾口躁俗云大頭天行
親戚不通染之多殆

一人病此五六日醫以承氣加藍根下之稍緩翼日其

病如故下之又緩終莫能愈漸至困篤予曰身半已
上天之氣也身半已下地之氣也此邪熱客于心肺
之間上攻頭目腫盛以承氣瀉胃中之實熱是誅罰
無過不知病源之所爲故遂用

黃連

黃芩

味苦寒各半兩泄
心肺間熱爲君

橘紅

苦平

玄參

苦寒

生甘草

甘寒各
二錢

人參

三錢泄火
補氣爲臣

連翹

鼠粘子

薄荷葉

苦辛
平

板藍根

苦寒

馬勃

各一
錢

白僵蠶

炒七
分

升麻

柴胡

苦平各二錢行少陽
陽明二經氣不得伸

桔梗

辛溫爲舟楫
不使下行

共為細末半用湯調時時服之半用蜜丸噙化服盡良
愈凡他處有病此者書方貼之名曰

普濟消毒飲

或加川芎歸身咬咀如麻豆每服五

錢水二鍾煎至一鍾去滓食後稍熱時時服如大便

硬加大黃

酒煨一錢
或二錢

以利之腫勢甚宜砭刺之

按時行疫疾雖由熱毒所染有氣實人下之可愈氣
虛者概下之鮮不危矣故東垣製此方救斯人其惠
博哉

一人年踰三十肩患毒服人參敗毒散一劑更服十宣
散去參桂加金銀花天花粉四劑而潰因怒動肝火
風熱上壅頭面赤腫焮痛飲冷以荆防敗毒散加苓
連薄荷二劑不應急砭患處出黑血殘許仍以一劑
勢退大半再服人參敗毒散四劑而愈

夫病有表裏上下之殊治有緩急攻補之異若不砭
刺氣血結爲肉理藥不能及腫焮日盛使峻利之藥
則上熱未除中寒已作必傷命矣

升麻牛旁子散 治時毒瘡發頭面胸膈脉浮洪在表者

升麻

牛旁

甘草

桔梗

葛根

玄參

麻黃

連翹

錢各一

剉作一服姜三片水二盞煎

一黃門腮赤腫痛此胃經風熱上攻以犀角升麻湯三六二劑而平又一大理患此用前湯爲人所惑謂湯內白附子性溫故也另用荊防敗毒散愈盛後用此

湯尚去白附子不應再用全方三劑而愈

本草云白附子味甘辛氣溫無毒主面上百病及一切風瘡乃風熱之主藥經曰有是病用是藥苟不用主病之藥安得而愈

一人腮頰腫焮至于牙齦右關脉數此胃經風熱上攻也治以犀角升麻湯三六而消

療癰百一

腫痛脉浮數者祛風清熱

脉濡者補血爲主

脉弱者補氣爲主

腫硬不潰者補血氣爲主

鬱抑所致者解鬱結調氣血

潰後不斂者屬氣血俱虛宜大補

虛勞所致者補之

因有核而不斂者腐而補之

脉實而不斂或不消者下之

瘰癧者結核是也或在耳後耳前或在耳不連及頤
頷或在頸下連缺盆皆謂之瘰癧或在胸及胸之側
或在兩脇皆謂之馬刀手足少陽主之

瘰癧必起于少陽一經不守禁忌延及陽明大抵食物
之厚鬱氣之積曰毒曰風曰熱皆此三端拓引變換
須分虛實實者易治虛者可慮以其屬膽經主決斷
有相火且氣多血少婦人見此若月經不調寒熱變
生稍久轉爲潮熱危矣自非斷欲神仙不治也

救苦化堅湯瘰癧瘻馬刀挾癭或耳下或耳後下頸
至肩或入缺盆乃手足少陽經分其在頰下或頰車
乃足陽明經分受心脾之邪而作宜將二症合而治
之

升麻

一錢

葛根

半錢

真漏蘆

三味俱足陽明本經

藥連翹

一錢能散諸血結氣聚瘡之神藥十二經瘡藥不可無

歸身

三分

熟

芩

二分

牡丹皮

三分去湯胃中留血滯血三味諸經中和血生血涼血藥也

黃芪

一錢祛皮毛實腠理補表之元氣反活血脉生血亦瘡家聖藥

白芍藥

三分味酸氣寒補中益肺

氣散而不收故用酸寒以收散氣散痛必用夏
月倍之冬寒下用酸寒故也又治腹中不和
肉桂

三分大辛熱能散結積瘡症屬陽須少用之寒因熱
用也又寒覆其瘡以大辛熱消浮凍之氣或躁煩者

去**麥芽**一錢治腹中縮急
兼能消食補胃
柴胡八分說
同連翹
鼠粘子無腫
不用

若無馬刀扶腰不在
少陽經矣去此二味
羌活一錢
獨活半錢
防風半錢
三味

乃手足太陽經藥脊痛項強不可回顧股似拼項似
拔者用之或只用防風一味亦可瘡在膈已上雖無

手足太少經症亦當用之為能散結去上
部風病身拘急者風也諸瘡見此症亦用
麴末炒炙
二分

為消**昆布**一分味大鹹酸能要
化食
堅瘡堅硬者用之
黃連去毛三分
治煩悶
廣茂

三分
三稜二分煨堅者削之瘡堅
硬甚者用之不甚勿用
人參三分補肺氣
如氣短氣喘

氣下調
加之

厚朴

薑制一錢二分
腹時見脹加之

益智仁

二分睡多者胃
不和也或吐沫

吐食胃土
寒者加之

黃栢

炒三分有熱或脚膝無力加之或頻
燥欲去衣者腎中伏火者亦加之

甘草

炙五分或二分調中益胃泄火和諸藥分兩不
定者瘡宜瀉營氣而甘入脾胃生濕助瘡邪故

也

右為細末湯浸蒸餅和作餅子日乾搗如米粒每服
二錢或三錢白湯下量病人虛實無令藥多妨其飲
食此治之大法也

如在少陽經分為馬刀挾癭者去獨活漏蘆升麻葛根

加瞿麥

三分

氣不順加橘皮甚者加木香

少許

人素

氣弱若病來氣盛不短促者不可拘其平素只作盛

氣治之而從病變之權邪在上焦加黃芩

一半酒制
一半生用

在中焦加黃連

一半酒制
一半生用

在下焦加黃柏知母防已

皆酒制選用之大通不通滋其邪盛急加酒大黃以利之

如血燥不行加桃仁酒大黃如風結燥不行加麻仁
大黃風澁不行加煨皂角仁秦艽大黃如脉瀉覺身

氣滯不行加郁李仁大黃以除氣燥如陰寒秘結不行以局方半硫 或加附子乾薑冰冷與之

大抵諸病素氣弱者當去苦寒之藥多加參耆甘草之類泄火而補元氣少佐寒涼可也

散腫潰堅湯 治馬刀堅硬如石在耳下至缺盆或肩上或脇下皆手足少陽經分或頰或頰車堅硬如石在足陽明經分或二經瘡已破流膿並皆治之

柴胡

四錢

升麻

三錢

甘草

炙

歸尾

葛根

白芍

各二錢

黃連

一錢

三棱

酒制
微炒

連翹

各三錢

昆布

去土

知母

酒制

黃栢

酒制

土瓜根

切碎
酒制

草龍膽

酒制
四次

桔

微炒

梗

各半

黃芩

八錢
半生用

廣茂

酒制
微炒

右剉每服五錢或七錢水二盞八分浸大半日煎至

一盞熱服卧宜去枕頭低脚高每噙一口作十次嚥

留一口送下後項丸藥服畢卧如常取藥在膈上停

畜故也若能食糞硬者旋加作七八錢止可秤半料

作末煉蜜丸如菉豆大每服百丸或二百丸此制之

緩也 一方

海藻 昆布 二味洗淨焙乾爲末何首烏木白
搗末皂角刺炒黃色 公蛇退一條樹上墻上者是
右五味爲末用猪項下心口肉燒熟醃藥末吃食從
向患處一邊側卧一伏時每核上灸七壯烟從口中
出爲度膿盡即安

連翹散堅湯 治耳下或肩上及缺盆瘡硬如石動
之無根或生兩脇或已膿流作瘡未破此手足少陽

經分也

柴胡

一兩二錢

歸尾

酒制

黃芩

生

廣茂

酒炒

三稜

酒炒

連翹

芍藥

各半兩

黃連

酒炒二錢

蒼朮

各二錢

土瓜根

一兩

酒炒

草龍膽

一兩酒制四次

黃芩

酒炒二錢七錢

甘草

三錢炙

右秤一半蜜丸一半剉煎如前法服

柴胡連翹湯

治男婦馬刀瘡

黃芩

炒

知母

酒制

連翹

柴胡

各半兩

中桂

三分

甘草

炙

黃柏

酒制

生夏

各三錢

歸尾

錢半

瞿麥穗

六錢

鼠粘子 二錢

剉如麻豆每服五錢或三錢水二盞煎一盞食後稍熱時服之

柴胡通經湯 治小兒項側有瘡堅而不潰名曰馬刀

柴胡 歸尾 桔梗 甘草 生 連翹

三棱 鼠粘子 黃芩 各二分 紅花 少許 黃連 五

分

剉作一服二大盞煎一盞食後稍熱服忌苦藥泄大便

項上瘰癧馬刀將初生者用四稜鐵環按定作口子以油紙撚紐之勿令合了以絕其瘡之源其効至速如瘰不破或畏破以龍泉粉塗

龍泉粉

炒半潤
濕另研

瓦粉

各半
兩

昆布

去土三錢
或五錢

廣茂

酒制

三稜

酒制炒
各半兩

右細末熟水調塗之用此去疾尤速一二日一易龍

泉粉即磨刀水濃汁青石者佳

療癰馬刀血少肚泄

四物湯加芍藥

炒

牡蠣

細研

陳皮

柴胡

甘

草

黃連

玄參

神麴

炒

及桑椹膏

桑椹膏取極熟黑色者二斗以布濾取自然汁砂器
內文武火慢熬成薄膏每日白湯點一匙

服

夏枯草本草言大治癰癰散結氣有補養厥陰血脉之

功而經亦言觀其能退寒熱虛者可伏實者以行散之藥佐之外以灸亦漸取効

一婦患瘰癧延至胸腋膿水淋漓日久五心煩熱肢體

疼痛頭目昏重心忪頰赤口乾咽燥發熱盜汗食少

嗜卧月水不調臍腹作痛予謂血虛而然非疔故也

服逍遙散三月餘少可更服八珍湯四加牡丹皮香

附子又月餘而經通再加黃芪白斂兩月餘而愈

此憑

也症

一婦久患瘰癧不消自汗惡寒此血氣俱虛服十全大

補湯

三月

餘而潰然堅核雖取瘡口不斂灸以豆豉

餅一仍與前藥加香附烏藥兩月而愈

此憑症也

一人勞倦耳下焮腫惡寒發熱頭疼作渴右脉大而軟

當服補中益氣湯彼自用藥發表遂致嘔吐始信予

用六君子湯

二

更服補中益氣湯

十

而愈

此憑症也

大抵內傷榮衛失守皮膚間無氣滋養則不任風寒
胃氣下陷則陰火上衝氣喘發熱頭痛脉大此不足

證也誤作外感表實而反瀉之寧免虛怯之禍東垣云內傷右脉大外感左脉大當以此別之

機按左脉大屬外感此亦難憑必須察形觀色審症叅之以脉乃得不誤丹溪治一老人飢寒作勞患頭疼發熱惡寒骨節疼無汗妄語脉洪數而左甚治以參芪歸朮陳皮甘草每貼加附一片五貼而愈

又一少年九月間發熱頭痛妄語大渴形肥脉數大左甚以參朮君茯苓臣耆佐附一片使蓋人肥而脉

左大于右事急矣非附則參芪無捷効五十貼大汗而愈此皆左脉大丹溪悉以內傷治之若依東垣認作外感寧不殺人

一婦年二十耳下結核經每過期午後頭痛服頭痛藥愈甚治以八珍湯^十加柴胡地骨皮二十餘貼愈_{此憑}

也症

一婦癰潰後發熱煩燥作渴脉大無力此血虛也以當歸補血湯六劑頓退又以聖愈湯數劑少健加以八

珍湯加貝母遠志三十餘劑而斂

此憑脉也

一瘧婦四肢倦怠類痿症以養氣血健脾胃而愈

此憑症也

一人素弱潰後核將不腐此氣血皆虛用托裡養榮湯

氣血復核尚在以簪挺撥去又服前藥月餘而痊

此憑

症也

一人患嗽痰盛胸膈痞悶脾胃脉弦此脾土虛肝木乘之也當實脾土伐肝木為主彼以治痰為先乃服苦寒化痰藥不應又加破氣藥病愈甚始用六君子湯

加芎歸數劑飲食少思以補中益氣湯倍加白朮月
餘中氣少健又以益氣養榮湯四月腫消而血氣亦
復矣夫右關脉弦弦屬木乃木盛而尅脾土爲賊邪
也虛而用苦寒之劑是虛虛也況痰之爲病其因不
一主治之法不同凡治痰利藥過多則脾氣愈虛虛
則痰愈易生如中氣不足必用參朮之類爲主佐以

痰藥

此憑症
與脉也

一人久而不斂神思困倦脉虛予欲投以托裡彼以爲

迂乃服散腫潰堅湯半月餘果發熱飲食愈少復求

治投益氣養榮湯三月喜其謹守得以收救

此憑症脈也

齊氏曰結核瘰癧初覺宜內消之如經久不除氣血漸衰肌寒肉冷或膿汁清稀毒氣不出瘡口不合聚腫不赤結核無膿外症不明者並宜托裡膿未成者使膿早成膿已潰者使新肉早生血氣虛者托裡補之陰陽不和托裡調之大抵托裡之法使瘡無變壞之症所以宜用也

一人久而不斂膿出更清面黃羸瘦每侵晨作瀉與二神丸數服泄止更以六君子加芎歸月餘肌體漸復灸以豆豉餅及用補劑作膏藥貼之三月餘而愈

此憑

症也

一婦潰後核不腐以益氣養榮湯三十餘劑更敷針頭散腐之再與前湯三十餘劑而斂

此憑症也

一人患而腫硬久而不消亦不作膿服散堅毒藥不應令灸肘尖看尖二穴更服益氣養榮湯月餘而消

此憑

症也

一人尚硬亦灸前穴飲前藥膿成針之而歛

一婦久潰發熱月經過期且少用逍遙散兼前湯兩月
餘氣血復而瘡亦愈但一口不收敷針頭散更灸前
穴而痊

常治二三年不愈者連灸三次兼用托裡藥即愈

前二

條俱
憑症

一人患此腫痛發寒熱大便秘以射干連翹散六劑熱

退大半以仙方活命飲四劑而消

此憑症也

一婦肝經積熱患而作痛脉沉數以射干連翹湯四劑

少愈更用散腫潰堅丸月餘而消

此憑脉也

一婦耳下腫痛發寒熱與荆防敗毒散四劑表症悉退以散腫潰堅湯數劑腫消大半再以神效瓜蒌散

一五

四劑而平

此憑症也

一人肝經風熱耳下腫痛發熱脉浮數以薄荷丹治之

而消

此憑脉也

一人年二十耳下患癰焮痛左關脉數此肝經風熱所

致以荆防敗毒散_七三貼表症悉退再與散腫潰堅

九_四月餘平復

此遇脉也

一婦因怒耳下腫痛以荆防敗毒散_七加連翹黃芩四

劑而愈

此無脉症而用發表必有所見也

嘗治此旬日不消者以益氣血藥及飲遠志酒並効
無膿自消有膿自潰

一婦因怒耳下焮痛頭痛寒熱以荆防敗毒_七加黃芩

表証悉退但飲食少思日晡發熱東垣云雖有虛熱
不可大攻熱去則寒起遂以小柴胡加地骨皮芎歸
苓朮陳皮十餘貼而愈次年春復腫堅不潰用八珍
湯^四加香附柴胡地骨皮桔梗服至六七貼以爲延
緩仍服人參敗毒散勢愈盛又服流氣飲則盜汗發
熱口乾食少至秋復求診視氣血虛極辭之果沒^此
^也症

一人每怒耳下腫或脇作痛以小柴胡湯加青皮紅花

桃仁四劑而愈

此憑症也

一人腫硬不作膿脉弦而數以小柴胡湯兼神効瓜萆

散

一五

各數劑及隔蒜灸數次月餘而消

此憑脉與症也

一婦頸痛不消與神効瓜萆散

一五

六劑少愈更以小柴

胡加青皮枳殼貝母數劑痛腫減大半再以四物對

小柴胡數劑而平

此憑症也

羅宗伯耳後髮際患毒焮痛脉數以小柴胡三加桔梗

牛旁子金銀花四劑而愈

此憑脉症也

一人氣血已復核尚不腐用針頭散及必効散各三次

不旬日而愈

此憑症處治

一婦瘰癧與養氣順血藥不應服神効瓜蒌散二劑

一五

頓退又六劑而消却與托裡藥氣血平復而愈

此憑症也

一婦年踰二十瘰癧已潰不愈與八珍湯

四

加小柴胡

地骨皮夏枯草香附貝母五十餘劑形氣漸轉更與

必効散

七四

二服瘡口遂合惟氣血未平再用前藥三

十餘劑而平

此憑症也

治瘰癧用必効散與瓜蒌散相間服神効

後有不問虛實概用必効散殊不知斑貓性猛大毒利
水破血大損元氣若氣血實者用此劫之而投補劑
或可愈若虛而用此或用追蝕之藥瘀肉雖去而瘡
口不合反至不救

一婦因怒結核腫痛察其氣血俱實先以神効散下之
更以益氣養榮湯三十餘劑而消

此憑症也

常治此症虛者先用益氣養榮湯待其氣血完充乃

取神効散去其毒仍進前藥無不効者

一人耳下患五枚如貫珠年許尚硬面色痿黃飲食不甘勞而發熱脉數軟而瀦以益氣養榮湯六十餘劑元氣已復患處已消一核尚存以必効散二服而平

此憑症脉也

一婦瘰癧不消膿清不斂用八珍湯

四十

少愈忽肩背痛

不能回顧此膀胱經氣鬱所致當服防風通氣湯彼云瘰癧膽經病也是經火動而然自服涼肝降火之

藥反致不食痛甚予診其脉胃氣愈弱先以四君子

六加陳皮炒芍藥半夏羌活蔓荊子四劑食進痛止

繼以防風通氣散

十四

劑而愈

此憑脉與症也

一人神勞多怒頸腫一塊久而不消諸藥不應予以八

珍湯

十四

加柴胡香附每日更隔蒜灸數壯及日飲遠

志酒二三盞漸消

此憑症也

一婦月水不行漸熱欬嗽肌體漸瘦胸膈不利頸腫一

塊日久不消令服逍遙散月餘更服八珍湯

十四

加壯

丹皮香附又月餘加黃芪白歛兩月餘熱退腫消經

行而愈

此憑症也

一人年踰三十每勞心過度頸腫發熱服敗毒散愈盛

用補中益氣湯數貼而消

此憑症也

張通府耳後髮際患腫一塊無頭肉色不變按之微痛

彼謂痰結脉軟而時見數經曰脉數不時見瘡也非

痰也仲景云微弱之脉主血氣俱虛形精不足又曰

沉遲軟弱皆宜托裏遂用參芪歸朮川芎炙甘草以

托裡少加金銀花白芷桔梗以消毒彼謂不然內飲
降火消痰外貼涼藥覺寒徹腦患處大熱頭愈重食
愈少復請治以四君子加藿香炮乾薑數劑食漸進
膿成刺之更以十全大補湯三去桂灸以豆豉餅又
月餘而愈

此憑脉
症也

一人耳內出膿或痛或痒服聰耳益氣湯不應服防風
聖散愈甚予用補腎丸而愈

機按前條癰瘰治法虛者補之而補有先後溫涼之
殊實者瀉之而瀉有輕重表裏之異或行消削或開

鬱滯或合時從症或變法從權或針或砭或灸或敷其法亦粗備矣醫者能倣是例而擴充之庶幾亦可以應變

矣

一兒宿痰失道癰腫見于頸項或臂膊胸背是爲冷症

宜四生散

七

敷貼內服附子八物湯及隔蒜灸

此無脉可

憑而治當時必有所見也

一人因暴怒項下腫痛胸膈痞悶兼發熱用方脉流氣二劑胸膈利以荊防敗毒散二劑而熱退肝脉尚弦瀉以小柴胡加芎歸芍藥四劑脉症頓退以散腫潰

堅丸一料將平惟一核

瘰

此憑症
憑脉也

不消服遇神仙無比丸二兩而

一兒甫周歲項患胎毒子俟有膿刺之膿出梳許乳食

如常用托裡藥月餘而愈又一兒患此待膿自出幾

至不救

此憑症也

大抵瘡淺宜砭深宜刺使瘀血去于毒聚之始則易

消也況小兒氣血又弱膿成不針不砭鮮不斃矣

一人項下患毒膿已成因畏針焮延至胸赤如霞其脉

滑數飲食不進月餘不寐甚倦予密針之膿出即睡覺而思食用托裡散兩月餘而愈又一人患此及時針刺數日而愈一人素虛患此不針潰透頷頰血氣

愈虛而死

此過症也

一人耳後患毒脉症俱實宜用內疎黃連湯彼以嚴冬不服寒劑竟至不起

羅謙甫曰用寒遠寒用熱遠熱假者反之雖違其時以從其症又云凡治病必察其下謂察時下之宜而權

治之故曰經者常也法者用也醫者意也隨其所宜而治之則萬全矣

一婦因怒項腫後月水不通四肢浮腫小便如淋此血分症也先以椒仁丸數服經行腫消更以六君子湯加柴胡枳殼數劑頸腫亦消矣亦有先因小便不利後身發腫致經水不通名曰水分宜葶藶丸治之

良

方云婦人腫滿若先因經水斷絕後致四肢浮腫小便不通名曰血分水化為血血不通則復化為水矣

宜服椒仁丸

此憑症也

一癰婦咽間如一核所鯁嚥吐不出倦怠發熱先以四

七湯而咽利更以逍遙散

此憑症也

一婦所患同前兼胸膈不利肚腹膨脹飲食少思卧睡

不安用分心氣飲並効

此憑症也

一女年十七項下時或作痛乍寒乍熱如瘧狀肝脉弦

長此血盛之症也先以小柴胡湯二劑少愈更以生

地黃丸而痊

此憑脉症也

一貴人女適夫夫早逝患十指攣拳掌垂莫舉膚體瘡
瘍栗然湯劑雜進飲食頓減幾于半載診之非風
也乃憂愁悲哀以致耳病屬內因宜用內因藥仍以
鹿角膠輩多用射香熬膏貼痿處攣能舉指能伸病
漸安

此因情而治也

一女性急好怒耳下常腫痛發寒熱肝脉弦急投小柴
胡加青皮牛旁子荆芥防風而寒熱退更以小柴胡
對四物數劑而腫消其父欲除病根予謂肝內主藏

血外主榮筋若志怒氣逆則傷肝肝主筋故筋蓄結而腫須要自加調攝庶可免患否則肝迭受傷不能藏血血虛則難差矣後不戒果結三核屢用追蝕不歛而歿

此因情而治

一人先于耳前耳下患之將愈延及項側缺盆三年遂延胸腋診之肝脉弦數以龍會散堅二九治之將愈肝脉尚數四年後小腹陰囊內股皆患毒年餘不歛脉診如前以清肝養血及前九而愈

此憑脉也

一人因怒耳下及缺盆患癰潰延腋下形氣頗實瘡口

不合治以散腫潰堅丸

四

而愈

此憑形
症也

一兒七歲項結二核時發寒熱日久不愈治以連翹丸
數服而消若患在面臂等處尤宜此丸若潰而不斂

兼以托裡之藥

此憑
症也

一兒項結一核堅硬如癰面色痿黃飲食不甘服托裡
藥不應此無辜疔毒也以蟾蜍丸治之而愈若數服
不消按之轉動軟而不痛者內有虫如粉急針出之

若不速去則虫隨氣走內蝕臟府不治

按此因治不應而變法也

蟾蜍夏月溝渠中腹大不跳不鳴者先取糞蛆一杓置桶中以尿浸之桶近上令乾使蛆不得出將蟾蜍撲死投蛆中任蛆食晝夜次以新布袋包繫置水急處浸一宿取出瓦上焙為末入射香一字軟飯凡如麻子大每服二三十九空心米飲送下

一人眼赤癢痛時或羞明下淚耳內作癢服諸藥氣血日虛飲食日減而癢愈盛此肝腎風熱上攻也以四生散酒調四服而愈

此憑症也

一婦久鬱患而不潰既潰不斂發熱口乾月水短少飲

食無味日晡尤倦益氣養榮湯二十餘劑少健予謂
須服百劑庶保無危彼欲速効反服班猫之劑及數
用追蝕毒藥去而復結以致不能收斂出水不止遂

致不救

此憑
症也

一婦久不作膿脉浮而濇此氣血俱虛欲補之使自潰
彼欲內消專服班猫及散堅之藥血氣愈虛而死

此憑

症
也

一人因勞而患怠惰發熱脉洪大按之無力宜用補中

益氣湯

十六

彼不信輒服攻伐之劑吐泄不止亦死

此憑

脈因補誤

治致死

大抵此症原屬虛損若不審虛實而犯病禁經禁鮮
有不誤常治先以調經解鬱更以隔蒜灸之多自消
如不消即以琥珀膏貼之俟有膿則針之否則變生
他症設若兼痰兼陰虛等症只宜加兼症之劑不可
干擾餘經或氣血已復而核不消却服散堅之劑至
月許不應氣血亦不覺損方進必効散或遇神仙無

此丸其毒一下即止二藥更服益氣養榮湯數劑以
調理瘡口不斂豆豉餅琥珀膏貼氣血俱虛或不慎
飲食起居七情者俱不治然此症以氣血爲主氣血
壯實不用追蝕之劑彼亦能自腐但取去使易于收
斂若氣血虛不先用補劑而數用追蝕之藥適足以
敗矣若發寒熱眼內有赤脉貫瞳人者亦不治一脉
者一年死二脉者二年死

一女年十九頸腫一塊硬而色不變肌肉日削筋攣急

可治須養氣血益津液
此慄悍之劑大助陽火
則愈虛果通而不止飲

一人遠途勞倦發熱脉大

補中益氣養榮湯六自

藥及必効散果吐瀉不

夫勞倦損氣氣衰則火

元氣傷也丹溪曰宜補

痛此七情所傷氣血所損之症當先滋養血氣不信

乃服風藥後不起

此憑症也

一人耳後漫腫闕

一少婦耳下患腫素勤苦發熱口乾月水過期且少媼
以爲經閉用水蛭之類通之以致愈虛而斃

一女年十七患瘰癧久不愈月水尚未通發熱欬嗽飲
食少思老媼欲用巴豆肉桂之類先通其經予謂此
症潮熱經候不調者不治但喜脉不濡且不潮熱尚

汗下若不詳脉症經絡
鮮不危矣

一婦因怒不思食發熱倦
不通頸間結核以逍遙
自誤服水蛭等藥血氣
一人耳後寸餘發一毒名
此膽經蘊熱而然先用
時值仲冬彼惑于用寒

共經自行彼欲効仍用巴桂
陰血得之則妄行脾胃得之
反愈少更加潮熱遂致不救
無力耳下患腫此勞損也宜
然熱退腫消彼不聽服降火
食而死

吐火乘脾土故倦怠而熱此
形氣調經脉其瘡自消不可

父病之異而輒用峻利之劑

忌骨肉痠疼體瘦面黃經漸

散三八珍湯四十治之少可彼

慙虛遂致不救此憑症也

曰銳疽焮痛寒熱煩燥喜冷

神仙活命飲一劑勢減二三

遠寒之禁自用十宣托裡之

藥勢漸熾耳內膿潰喉腫閉藥不能下而歿

一放出宮女年踰三十兩胯作痛不腫色不變大小道作痛如淋登廁尤痛此瘀血清入隧道爲患乃男女

失合之症也難治後潰不斂又患瘰癧而歿

此久鬱也

此婦爲人之妾夫爲商常在外可見此婦久懷憂鬱及放出又不能如願是以致生此疾其流注瘰癧乃七情氣血皆已損傷不可用攻伐之劑皎然矣

流注百二

暴怒所致胸膈不利者調氣爲主

抑鬱所致而不痛者宜調經脉補氣血

腫硬作痛者行氣和血

潰而不斂者益氣血爲主

傷寒餘邪未盡者和而解之

脾氣虛濕熱凝滯肉理而然健脾除濕爲主

閃肭瘀血凝滯爲患者和氣血調經絡

寒邪所襲筋攣骨痛或遍身痛宜溫經絡養血氣

大抵流注之症多因鬱結或暴怒或脾虛濕氣逆于
肉理或腠理不密寒邪客于經絡或閃撲或產後瘀
血流注關節或傷寒餘邪未盡爲患皆因真氣不足
邪得乘之常治鬱者開之怒者平之閃撲及產後瘀
血者散之脾虛及腠理不密者除而補之傷寒餘邪
者調而解之大要以固元氣爲主佐以見症之藥如
久而瘡口寒者更用豆豉餅或附子餅灸之有膿管
或瘀肉者用針頭散腐及錠子尤效若不補血氣及

不慎飲食起居七情俱不治

一人因怒脇下作痛以小柴胡對四物加青皮桔梗枳

殼而愈

因情處治

一人臀腫一塊微痛脉弦緊以瘡科流氣飲四劑而消

因情處治

一人因怒脇下腫痛胸膈不利脉沉遲以方脉流氣飲

數劑少愈以小柴胡對二陳加青皮桔梗貝母數劑

頓退更以小柴胡二十餘劑而痊

因七情處治

一婦因閃肭肩患腫遍身作痛以黑九子二服而痛止
以方脉流氣飲二劑而腫消更以二陳對四物加香

附枳殼桔梗而愈

憑症
處治

一婦腿患筋攣骨痛諸藥不應脉遲緊用大防風湯一

劑頓退又二劑而安 又一婦患之亦然先用前湯

二劑更服黑九子而痊此二患若失治潰作敗症

憑症

憑脉

處治

一婦稟弱性躁脇臂腫痛胸膈痞滿服流氣敗毒反發

熱少食用四七湯數劑胸寬氣利以小柴胡對四物

加香附陳皮腫痛亦退

此因治不對病而變方

一人腿患潰而不斂用人參養榮湯及附子餅灸更以

補劑煎膏貼之兩月餘愈

憑症處治

一人脾氣素弱臂腫一塊不痛肉色不變飲食少思半

載不潰先以六君子加芎歸芍藥二十餘劑飲食漸

進更以豆豉餅日灸數壯于前藥再加黃耆肉桂三

十餘劑膿熟針去以十全大補湯及附子餅灸之月

餘而歛

此憑症處治

一人腿腫肉色不變不痛脉浮而滑以補中益氣湯加半夏茯苓枳殼木香飲之以香附餅慰之彼謂氣無補法乃服方脉流氣飲愈虛始用六君子湯駕歸數劑飲食少進再用補劑月餘而消

憑脉憑症處治

夫氣無補法世俗論也以其爲病痞滿壅塞似難爲補殊不知正氣虛不能運行則邪氣滯而爲病不用補法氣何由行乎

一人臂腫筋攣骨痛年餘方潰不斂診脉更虛以內塞

散一料少愈以十全大補湯及附子餅灸而愈

憑症憑脉

治處

精要云留積經久極陰生陰寒反為熱以此潰多成瘻宜早服內塞散排之

一人腿腫一塊經年不消且不作膿飲食少思強食則脹或作瀉日漸消瘦診脉微細此乃命門火衰不能生土以致脾虛而然也遂以八味丸飲食漸進腫患

亦消

憑症憑
脉處治

一人背髀患之微腫形勞氣弱以益氣養榮湯間服黑
丸子及木香生地黃作餅覆患處熨之月餘膿成針之仍

服前藥而愈

此憑所
因而治

一人腿患久而不斂飲大補藥及附子餅及針頭散紐

之而愈

憑症
處治

一人臂患年餘尚硬飲食少思朝寒暮熱八珍湯加柴
胡地骨牡丹皮月餘寒熱少止再用益氣養榮湯附

子餅灸兩月餘膿成針之更服人參養榮湯半載而

愈

憑症而治

一婦膿潰清稀脉弱惡寒久而不愈服內塞散灸附子

餅而瘳

憑脉憑症而治

一人臂患出腐骨三塊尚不斂發熱作渴脉浮大而瀉

乃氣血俱損須多服生氣血之劑庶可保全彼謂火

尚未盡乃用涼藥內服外敷幾危求治其形甚悴脉

愈虛先以六君子加芎歸月餘飲食漸進以八珍湯

加肉桂三十餘劑瘡色乃赤更以十全大補湯外以

附子餅僅年而差

憑症
憑脉

一老傷寒表邪未盡股內患腫發熱以人參敗毒散二劑熱止灸香附餅又小柴胡加二陳羌活川芎歸木

枳殼數劑而消

憑症
處治

一婦腰間患一小塊肉色如常不潰發熱予欲治以益氣養榮解鬱之劑彼却別服流氣飲後針破出水年餘而沒

一婦久不飲忽發寒熱予決其氣血俱虛彼反服表散

之劑果發大熱亦死

惡症處治

一人元氣素弱將患此胸膈不利飲食少思予欲健脾胃
解鬱養氣血彼反服辛香流氣之劑致腹脹又服三
稜蓬朮厚朴之類飲食少四肢微腫兼腰腫一塊不
潰而沒

一婦經不調兩月或三月一至四肢腫飲食少日脯發
熱予曰此脾土氣血虛也用養脾滋氣血藥飲食進

則浮腫自消血氣充則經水自調彼以爲緩用峻劑
先通月經果腹疼泄不止遍身浮腫飲食少沒于木
旺之月

一人年踰三十小腹腫硬逾年成瘡頭破時出血水此
七情所傷營氣逆於肉理也名曰流注胗之肝脉瀆
盖肝病脉不宜瀆小腹正属肝經須瀆属金脉退乃
可予欲以甘温之藥補其氣血令自消潰彼不信乃
服攻伐之藥氣血愈虛果沒于金旺之月

此憑脉也

丹溪曰諸經惟少陽厥陰二經癰疽宜預防之以其多氣少血也少血則肌肉難長瘡久不斂必成敗症若不知此軌用峻利之藥以攻伐其陰分之血禍不旋踵

懸癰百三

炊腫或發熱者清肝解毒

小柴胡製甘草

腫痛者解毒爲主

製甘草

不作膿或不潰者氣血虛也

八珍湯

腫痛小便赤滯者肝經濕熱也宜分利清肝

龍膽泄肝湯

一人穀道前患毒炊痛寒熱此肝經濕熱所致名曰懸

癰屬陰虛先以製甘草

百二五

二服頓退再以四物加

車前青皮甘草節酒製黃柏知母數服而消

此憑症也

一人年踰五十患懸癰膿清脉弱此不慎酒色濕熱壅

滯而然膿清脉弱老年值此何以收斂况谷道前為

任脉發源之地肝經宗筋之所予辭果沒治此癰

惟澗水製甘草有效已破者兼十全大補湯三為要

一人患此炊痛發熱寒以小柴胡湯加製甘草百二五二

劑少退又製甘草四劑而消

按小柴胡清肝製甘草解毒

大抵此症屬陰虛故不足之人多患之寒涼之劑不可過用恐傷胃氣惟製甘草一藥不損氣血不動臟腑其功甚捷

一人腫痛小便赤澀以加減龍膽瀉肝湯加製甘草二劑少愈以參耆歸朮黃柏知母製甘草四劑

百二五

而潰

更以四物加黃柏知母參耆製甘草而痊

按此先瀉後補當時

以有所據但不
知其脈耳

一人腫痛未作膿以加減龍膽瀉肝湯二劑少愈再以

四物加黃柏知母木通四劑消

按此先治濕熱後養血

一人膿熟不潰脹痛小便不利急針之尿管皆利以小柴胡加黃柏白芷金銀花四劑痛止以托裡消毒散數劑而愈

常見患者多不肯針待其自破殊不知緊要之地有膿宜急針之使毒外發不致內潰故曰宜開戶以逐之凡瘡若不針烙毒氣無從而解膿瘀無從而泄今之患者反謂緊要之處不宜用針何相違之遠耶

一人膿清不斂內有一核以十全大補湯加青皮柴胡

製甘草更以豆豉餅灸核消而斂

此憑症也

一人久而不斂脉大無力以十全大補加五味麥門灸

以豆豉餅月餘而愈

此憑症憑脉也

一老年餘而不斂診脉尚有濕熱以龍膽瀉肝湯

五六

劑濕退以托裏藥及豆豉餅灸而愈

此憑症憑脉也

一人腫痛發熱以小柴胡加黃連青皮

五

四劑少愈更

以龍膽瀉肝湯

五六

而消

此憑症也

一人膿熟不潰脉數無力此氣血俱虛也宜滋陰益氣
血之藥更針之使膿毒外泄彼反用敗毒藥致元氣
愈虛瘡勢愈盛後潰不斂竟致不救

按此不憑脉
症而誤治也

懸癰原係肝腎二經陰虛須一于補尤恐不治况膿成
而又尅伐不死何待常治初起腫痛或小便赤澀先
以製甘草一二劑及蒜灸更飲龍膽瀉肝湯若發熱
腫痛者以小柴胡加車前黃栢芍歸膿已成即針之
已潰用八珍湯四加製甘草柴胡稍酒炒黃栢知母

小便澀而脉有力者仍用龍膽瀉肝湯加製甘草小
便澀而脉無力者用清心蓮子飲加製甘草膿清不
斂者用大補劑間以豆豉餅灸或久而不斂者亦用
附子餅灸並効

囊癰百四

腫痛未作膿者踈肝導濕

腫硬發熱清肝降火

膿清不斂者大補血氣

已潰者滋陰托裡

膿成脹痛者急針之更飲消毒之劑

囊癰濕熱下注也有作膿者此濁氣順下將流入滲道
因陰道或虧水道不利而然膿盡自安不藥可也惟在
善于調攝耳又有因腹腫漸流入囊腫甚而囊自裂開罌
丸懸掛水出以麩炭杉木炭也末傅外以紫蘇葉包裹仰卧
養之

精要謂癰入囊者死將以爲屬腎耶予治數人悉以

濕熱入肝經施治而以補陰佐之雖膿潰皮脫羣丸懸掛亦不死但未知下虛年老者如何耳

大抵此症屬陰道虧濕熱不利所致故滋陰降濕藥不可缺常治此腫痛小便秘滯者用除濕為主滋陰佐之腫痛已退便利已和者除濕滋陰藥相兼治之欲其成膿用托裡為主滋陰佐之候膿成即針之仍用托裡滋陰若濕毒已盡者專用托裡如膿清或多或斂遲者用大補之劑或附子餅灸之

一人囊癰未作膿而腫痛以加減龍膽瀉肝湯二劑少

愈更以四物加木通知母黃柏而消

此憑症也

一人膿熟作脹致小便不利急針以小柴胡加黃柏白

芷金銀花四劑少愈更托裏消毒散數劑而消

此憑症也

一弱人膿熟脹痛大小便秘急針之膿出三碗許即斂

睡覺神思少健但針遲須服解毒藥亦潰盡矣故用

托裡藥至三十餘劑始差

此憑症也

一人年踰四十陰囊腫痛以熱手熨之少緩服五苓散

不應尺脉遲軟此下虛寒邪所襲而然名曰陰疝非

瘡毒也治以鱗葱散

九

少可更服葫蘆巴丸而平

此

脉遲為寒脉
軟為虛而治

一人年踰三十陰囊濕癢莖出白物如膿舉則急痛此

肝疝也用龍膽瀉肝湯

此因在
處治

而愈陰莖或腫或縮或挺

或癢皆宜此藥治之

一人年踰五十患此瘡口不斂診之微有濕熱治以龍

膽瀉肝湯濕熱悉退乃以托裡藥及豆豉餅灸而愈

次年復患濕熱頗盛仍用前湯四劑而退又以滋陰藥而消若潰後虛而不補少壯者成漏老弱者不治膿清作渴脉大者亦不治

此憑脉也

一人年踰五十陰囊腫痛得熱愈盛服蟠葱散不應肝脉數此囊癰也乃肝經濕熱所致膿已成急針之進

龍膽泄肝湯

五六

脉症悉退更服托裡滋陰藥外敷杉

木炭紫蘇末月餘而愈

此因脉處治

一人年踰六十陰囊潰痛不可忍罌九露出服龍膽泄

肝湯敷麩炭紫蘇末不應予意此濕氣熾盛先飲槐
花酒一椀次服前湯少愈更服托裡加滋陰藥而平
設以前藥不應加之峻劑未有不損中氣以致敗也

此因處治不効
而知為濕盛

一少年王莖挺長腫而痿皮塌常潤磨股難行兩脇氣
衝上手足倦弱先以小柴胡加黃連大劑行其濕熱
少加黃栢降其逆氣腫漸收莖中有堅塊未消以青
皮爲君少佐散風之藥末服之外以絲瓜子汁調五

倍子敷愈

此憑症也

一人囊腫狀如水晶時痛時癢出水小腹按之作水聲小便頻數脉遲緩此醉後飲水入房汗出遇風寒濕毒乘聚于囊名水疝也先以導水丸二服腹水已去小便如常再以胃苓散倍白朮茯苓更用氣針引去聚水而差

此憑症脉也

一弱人莖根結核如大豆許勞則腫痛先以十全大補湯去桂加車前麥門酒製黃柏知母少愈更加製甘

草四劑仍以四物車前之類而消 又有患此炊痛
發熱服龍膽泄肝湯二劑製甘草四劑而潰再用滋陰
之劑而愈或膿未成以葱炒熱敷上冷易之隔蒜灸
赤可數日不消或不潰或潰而不斂以十全大補加
柴胡稍爲主間服製甘草並愈若不保守必成漏矣

已上二條
此憑症也

一弱人拗中作痛小便淋瀝此因火躁下焦無血氣不
能降而滲泄之令不行用四物加黃柏知母茯苓牛

膝木通十餘劑痛止便利

此憑症也

一人氣短拗中若瘡小便不通用四物加參耆煎吞滋

腎丸而愈

此憑症也

前症以虛爲本以病爲末益其本則末自去設若不固元氣專攻其病寧無害耶

一人遺精勞苦愈盛拗中結核服清心蓮子飲連翹消毒散不應予以八珍湯

十四

加山藥山茱萸遠志十餘

劑漸愈更服菟兔丸遂不復作又有患此諸藥不應

服八味丸而愈

此因處治不應故推求另為之治

一人尿血陰莖作痛服清心蓮子飲不應服八正散愈

盛予以髮灰醋湯調服少愈更服班龍丸

百而平此因

處治不應以推求也

一人患而久不斂以十全大補加五味麥門灸以豆豉

餅月餘而平

此憑症也

一弱人腫痛未成膿小便赤澀以製甘草青皮木通黃

栢當歸麥門四劑少愈以清心蓮子飲四劑而消

此憑症也

一人炊腫痛甚小便澁發熱脉數以龍膽瀉肝湯倍車
前木通澤瀉茯苓勢去半仍以前湯加黃栢金銀花
四劑又減二三便利如常惟一處不消此欲成膿再
用前湯加金銀花皂角針白芷六劑微腫痛脉滑數
乃膿已成針之腫痛悉退投滋陰托裡藥及紫蘇末
敷之而愈

一人病勢已甚脉洪大可畏用前湯二劑腫少退以仙
方活命飲二劑痛少止脉洪數膿已成須針之否則

陰囊皆潰彼不信更他醫果大潰畢九掛復求治脉
將靜以八珍湯加黃芪黃栢知母山枝更數紫蘇末
數日而痊

一人患此腫痛發熱以小柴胡加黃連青皮四劑少愈
更以龍膽瀉肝湯而消

凡腫屬濕痛屬熱
故痛者宜清濕熱

一兒生三月病熱左右脇下節次生癰用四物湯敗毒
散倍人參香附爲佐犀角爲使大料飲乳母兩月而
愈踰三月腹脹生丹癰又半月移脹入囊爲腫黃壘

裂開兩丸顯露水出以紫蘇葉盛麩炭末托之旬餘

而合此因父病瘡遺熱于胎也

此憑症也

一人玉莖腫痛服五苓散等藥不應其脉左關弦數此

肝經積熱而成以小柴胡

五

送盧薈丸一服勢去三

四再服頓愈

此憑脉憑症也

一人連日飲酒陰挺并囊濕癢服滋陰等藥不應予謂

前陰肝脉絡也陰氣從挺而出素有濕熱以酒爲濕

熱合于下焦而然經曰下焦如瀆又云在下者引而

竭之遂以龍膽瀉肝湯及清震湯而愈此或不應宜補

肝湯及四生散治之

此憑症也

一婦隱內膿水淋漓或癢或痛狀如虫行少陰脉活數此陰中有瘡也名曰蠱由心神煩鬱胃氣虛弱氣血凝滯所致與升麻白芷黃連木通當歸川芎白木茯苓柴胡煎服以搗腫湯熏洗更搽蒲黃水銀兩月餘而愈此條因脉而知瘡其曰胃氣虛者當時必有見也或有包絡虛風邪乘陰血氣相搏令氣痞澀

致陰腫痛治以菖蒲散^九更以枳實炒熟帛包熨之
冷則再炒

或有子藏虛冷氣下衝致陰脫出謂之下脫或因產
努力而脫者宜當歸散久不愈者補中益氣湯倍加
升麻柴胡舉之

下疳百五

腫痛或發熱者肝經濕熱也清肝除濕
腫痛發寒熱者邪氣傷表也發散之

腫痛小便赤澀者肝經濕熱壅滯也踈肝導濕

一人患此腫硬焮痛寒熱先以人參敗毒散二劑而止

更以小柴胡加黃連青皮而愈

此因症因經也

一人潰而腫痛小便赤澀以加減龍膽瀉肝湯加青皮

黃連二劑少愈以小柴胡加黃柏知母當歸茯苓數

劑而愈

此因症因經也

一人莖腫不消一人潰而腫痛發熱小便秘澀日晡

或熱一小兒腫痛諸藥不應各以小柴胡吞蘆

膏丸數劑並愈

一人陰莖或腫或作痛或挺縱不收 一人莖中作痛
筋急縮或作癢白物如精隨溺而下此筋疝也並用

龍膽瀉肝湯皆愈

此因症也

張子和曰遺精癰閉陰痿脬痺精滑白淫皆男子之疝
不可妄歸之腎冷 若月洩不月月罷腰膝上熱足
熱噤乾癢閉少腹有塊或定或移前陰突出後陰痔
核皆女子之疝也但女子不謂之疝而謂之瘕

一人潰而腫痛發熱日晡尤甚以小柴胡加黃栢知母

當歸而愈

此因症也

一人已愈惟莖中一塊不散以小柴胡加青皮荊防治

之更以荊防牛膝何首烏活石甘草各五錢煎湯熏

洗各數劑而消

此因症也

一人年踰四十素有淋患疳瘡焮痛倦怠用小柴胡五

加連栢青皮當歸而愈

此因症而治

一人因勞莖竅作癢時出白物發熱口乾以清心蓮子

飲而安

此因勞
處治

一人玉莖腫痛小便如淋自汗甚苦時或尿血少許尺

脉洪滑按之則濡先用清心蓮子飲加牛膝山枝黃

栢知母數劑少愈更以滋腎丸一劑而痊

此因
症也

前賢云如自汗小便少不可以藥利之既已自汗則

津液外亡小便自少若利之則榮衛涸竭無以製火

煩熱愈甚當俟熱退汗止小便自行也

此乃陽明

經大忌利小便也

一老患疔瘡小便淋瀝脉細體倦此氣虛兼濕熱也用
清心蓮子飲及補中益氣湯六而愈下疔瘡丹溪用
青黛蛤粉密陀僧黃連爲末敷又以鷄肫皮燒存性
爲末敷

下疔瘡并臙瘡

蛤粉 蠟茶 苦參 密陀僧

爲末河水洗淨臘猪油調敷

入方

米泔水洗瘡淨用頭髮鹽水洗去油淨再用清湯洗
晒乾燒灰敷瘡即生靨

又方 治下注疳瘡蝕臭腐爛疼痛難忍兼治小兒
疳瘡

黃栢

蜜炙

黃丹

輕粉

錢半

乳香

三分

蜜陀僧

高末茶

各三分

射香

少許

右末用葱湯洗瘡次貼此藥

洗藥

黃連

黃栢

當歸

白芷

獨活

防風

荊芥

朴硝等分水煎入錢五十文烏

梅

五

鹽一匙同煎溫洗日五七次敷下項藥

敷藥

木香

枳榔

黃連

銅青

輕粉

枯礬

海螵硝

射香等分爲末洗後至夜敷

上

外科理例卷三

欽定四庫全書

子部
外科理例卷四

詳校官太醫院吏目臣宋桂

編修臣倉聖脈覆勘

總校官庶吉士臣何思鈞

校對官助教臣胡予襄

謄錄監生臣崔堂

欽定四庫全書

外科理例卷四

便毒一百六

內蘊熱毒寒邪者解散之

勞役而患者補之

不遂交感或強固精氣致敗而結者解散之

濕熱而致者清肝道濕

明汪機撰

一人患此未作膿小便秘澁以八正散三劑少愈以小

柴胡加澤瀉山枝木通二劑而消

此憑症也

一老婦腫痛膿未作小便滯肝脉數以加減龍膽瀉肝

湯加山枝黃栢四劑而消

此因症也

一人腫痛發寒熱以荆防敗毒散二劑而止以雙解散

二劑而消

此因寒熱認作外邪處治

一人膿未成大痛服消毒托裡內疎藥不應脉洪大毒

尚在以仙方活命飲一劑痛止又劑而消

此因治不應而處也

一人腫痛日晡發熱以小柴胡加青皮天花粉四劑痛

止熱退以神效瓜蒌散四劑而消

此因症也

一人炊腫作痛大小便秘脉有力以玉燭散二劑頓退

更以龍膽瀉肝湯四劑而消

此因症因脉而治

一人潰而痛不止諸藥不應診之脉大按之則數乃毒

未解也以仙方活命飲而止又二劑而消

此因症因脉而治

一人潰而痛不止以小柴胡加黃柏知母芎歸四劑少

止更以托裡當歸湯數劑而斂

此因症也

一人服尅伐藥以求內消致瀉利少食以二神丸先止

其瀉以十全大補倍加白朮茯苓數劑而消

此因症也

大抵此症多患于勞役之人亦有內蘊熱毒而生者
須辨虛實及膿成否不可妄投藥餌常見治此概用
大黃之類下之以求內消或膿成令膿從大便出鮮
有見其痊者人多欲內消者恐收之難也若補養氣
血不旬日而收矣若膿既成豈有可消之理再用尅
伐之劑反爲難治

一人不慎房勞患此腫痛以雙解散二服其病即止更以補中湯數劑而膿成針之以八珍湯加五味麥門

柴胡三十餘劑

此因症也

大抵便癰者血疰也俗呼爲便毒言于不便處患之故也乃足厥陰肝經絡及衝任督脉亦屬肝之旁絡也是氣血流通之道路今壅而腫痛此則熱毒所致宜先疎導其滯更用托裡之劑此臨症制宜也

一人年踰四十患便毒尅伐太過飲食少思大便秘不實

遺精脉微東垣云精滑不禁大便自利腰脚沉重下
虛也仲景曰微弱之脉主氣血俱虛先以六君子二加
破故紙肉豆蔻煎服瀉止食進更以十全大補湯三
加行經藥十餘劑而消

此因脉
症也

一人患便毒膿稀脉弱以十全大補湯加五味麥門白
斂三十劑稍愈更以參耆歸朮膏而平因新婚復發
聚腫堅硬四肢冷脉弱皮寒飲食少思此虛極也仍用
前藥加桂附三劑稍可彼欲速愈自用連翹消毒散

瀉利不止而沒

此因症
脉也

一人年踰四十素勞苦患便毒發寒熱先以小柴胡加
青皮一服表症悉退次以補中益氣湯加川山甲二
劑腫去三四更以托裡之藥五六服膿成刺去旬日

而斂

此因
症也

夫便毒足厥陰濕氣因勞倦而發用射干三寸同生
薑煎食前服得利一二行効射干紫花者是紅花者
非

又方

破故紙

牛旁子

微炒

牽牛

炒

大黃

酒拌

等分末之每服一兩酒調下

又方 已成膿者

大黃

連翹

各五錢

枳實

三錢

厚朴

甘草節

各二

錢

桃仁

二十粒

薑三片分三貼煎服

消毒飲便毒初發三四日可消

皂角刺 金銀花 防風 當歸 大黃

甘草節 瓜蒌仁

等分水酒各半煎食前溫服仍頻提掣頂中髮立効

又方

白僵蠶 槐花

爲末酒調服一方加酒大黃

又方

木筆子 大黃 瓜蒌 桃仁 草龍膽

呖咀濃煎露一宿清晨溫服立愈

又方

山梔

大黃

乳香

沒藥

當歸

各半錢

瓜蒌仁

二錢

代赭石

一錢

右作一服煎

一人腫而不潰以參耆歸朮白芷皂角針柴胡甘草節

數劑而潰以八珍湯加柴胡數劑愈

此因症也

一人潰而腫不消且不斂診之脉浮而濡以豆豉灸更

以十全大補湯月餘而愈

此因症也

乳癰一百七

附乳岩 無乳并
男子乳癰

暴怒或兒口氣所吹痛腫者踈肝行氣

腫焮痛甚者清肝消毒

焮痛發寒熱者發散表邪

未成膿者踈肝行氣

不作膿或不潰托裡爲主

潰而不斂或膿清者大補氣血

一婦稟實性躁懷抱久鬱左乳內結一核不消按之微痛以連翹飲子二十餘劑少退更以八珍湯加青皮

桔梗香附貝母二十餘劑而消

此因症因情也

一婦發熱作渴至夜尤甚兩乳忽腫服敗毒藥熱反熾診之肝脉洪數乃熱入血室以加味小柴胡治之熱

止腫消

此因症因脉也

一婦兩乳內時常作痛口內常辣卧起若急臍下牽痛

以小柴胡加青皮黃連山梔而愈

此因症也

一婦鬱久左乳內結核如杏許三月不消心脉瀉脾脉

大按之無力以八珍湯加貝母遠志香附柴胡青皮

桔梗五十餘劑而潰又三十餘劑而愈

此因情
因脉也

一婦久鬱右乳內結三核年餘不消朝寒暮熱飲食不

甘此乳岩也乃七情所傷肝經血氣枯槁之症宜補

氣血解鬱結遂以益氣養榮湯百餘劑血氣漸復更

以木香餅灸之嘉其謹疾而消

此因症
因情也

一婦膿成不潰脹痛予欲針之令毒不侵展不從又數

日痛極始針湧出敗膿三四椀虛症蜂起幾殆用大

補藥兩月餘始安

此因症也

夫乳者有囊素有膿不針則遍患諸囊矣少壯者得以收斂老弱者多致不救

一婦腫而不作膿以益氣養榮湯加香附青皮數劑膿

成針之旬日而愈

此因症也

一婦右乳腫發熱怠惰嗜卧無氣以動致夜熱尤甚以

補中益氣湯兼逍遙散而痊

此因症也

一產婦因乳少服藥通之致乳房腫脹發熱作渴狀若傷寒以玉露散補之而愈

夫乳汁乃氣血行化在上爲乳在下爲經若衝任脉盛脾胃氣壯則乳汁多而濃血衰則少而淡所乳之子亦弱而多病此自然之理也亦有屢產有乳再產乳無或大便澀滯乃亡津液也

三因論

云產婦乳脉

不行有二有氣血盛閉而不行者有血氣弱澀而不行者虛當補之盛當疎之盛者當用通草漏蘆土瓜

根輩虛者常用煉成鍾乳粉猪蹄鯽魚之類概可見矣亦有乳出不止者多属于虛不約束也

一婦乳癰愈後發熱服養氣血藥不應八珍湯加炮薑四劑而愈仍以前湯加黃耆香附三十餘劑而安

此因症也

一婦患此膿成畏針病勢漸盛乃強針之膿出三椀許脉數發渴以大補藥三十餘劑而愈

此因症也

一婦乳癰膿成針刺之及時不月而愈

一婦產次子而無乳服下乳藥但作脹予謂乳皆血氣

所化令脹而無乳是氣血竭而津液亡也當補氣血
自有乳矣與八珍湯倍加參朮少加肉桂二十餘劑
乳遂生後因勞役乳復竭

此因症也

蓋初產有乳再產而無其氣血祇給一產耳其衰可知
聞有產後乳出不止亦為氣虛宜補藥止之其或斷乳
兒不吮亦能作脹用麥芽炒為末白湯調服以散之若
兒吮破乳頭成瘡用蒲公英末或黃連胡粉散摻之若
乳頭裂破以丁香末或蛤粉臘脂末敷之並効

一婦因怒兩乳腫兼頭痛寒熱以人參敗毒散二劑表

症已退以小柴胡加芍歸桔梗枳殼四劑而痊

此因症也

一婦鬱久右乳內腫硬以八珍湯加遠志貝母柴胡青

皮及隔蒜灸兼服神效瓜蒌散兩月餘而消

此因情因症也

一婦左乳內腫如桃許不痛色不變發熱漸消瘦以八

珍湯加香附遠志青皮柴胡百餘劑又間服神效瓜

蒌散三十餘劑膿潰而愈

此因症也

患者或責効太速或不戒七情俱難治大抵四十已

後者尤難治蓋因陰血日虛也況醫用藥不分經絡虛實未有能保痊也

一婦乳內腫一塊如鷄子大勞則作痛久而不消服托裡藥不應此乳勞症也肝經血少所致先與神效瓜蒌散四劑更隔蒜灸腫少退再服八珍湯倍加香附

夏枯草蒲公英仍間服前散月餘而消

此因症因治而處也

又有乳疽一症腫硬木悶雖破而不潰腫亦不消尤當急服此散及隔蒜灸此二症乃七情所傷氣血所損

亦勞症也宜戒怒節飲食慎起居否則不治

一婦年逾二十稟弱乳內作痛頭疼脈浮與人參敗毒散倍加參一劑表症悉退但飲食少思日晡微熱更以小柴胡合六君子二劑熱退食進方以托裏藥加

柴胡十餘劑針出膿而愈

此因稟受因症因脈也

一婦亦患此予謂須多服養氣血解鬱結藥可保無害

不信乃服尅伐之劑反大如椀日出清膿不斂而殁

此悞治也

一婦鬱久乳內結核年餘不散日晡微熱飲食少思治

以益氣養榮湯嫌緩乃服行氣之劑勢愈甚潰而日出清膿不止復求治診之脉洪而數辭不治又年餘果歿

一人年踰五十患子不立致左乳腫痛左脇脹痛肝脉弦數而瀉先以龍薈丸二服諸症頓退又以小柴胡對四物加青皮貝母遠志數劑膿成予欲針之仍用養氣血解鬱結不從乃雜用流氣敗毒之劑致便秘發熱作渴復求治予謂膿成不潰陽氣虛不能鼓舞

也此因情
因脉也

一妾放出宮人年四十左乳內結一核堅硬按之微痛
脉弱懶言此鬱結症也名曰乳岩須服解鬱結益氣
血藥百貼可保彼不爲然服十宣散流氣飲瘡反盛
逾二年復請予視其形如覆碗腫硬如石膿出如泔
予曰膿清脉大寒熱發渴治之無功果歿

此因情因
脉因症而

處治

一婦因怒左乳內腫痛發熱表散太過致熱益甚以益

氣養榮湯數劑熱止膿成焮痛針之不從遂腫脹大

熱發渴始針膿大泄仍以前湯百餘貼始愈

此因悞治也

一婦因怒左乳作痛胸膈不利以方脉流氣飲加木香

青皮四劑而安

此因情也

一男子左乳腫硬痛甚以仙方活命飲二劑更以十宣

散加青皮香附四劑膿成針之而愈若膿成未破瘡

頭有薄皮剝起者用代針之劑點皮起處以膏藥覆

之膿亦自出不若及時針之不致大潰如出不利更

經搜膿化毒之藥若膿血未盡輒用生肌之藥反助邪氣縱早合必再發不可不慎

一人因怒左乳腫痛肝脉弦數以復元通氣散二服少

愈以小柴胡加青皮芎歸而消

此因情因脉也

一婦年踰三十每怒後乳內作痛或腫此肝火也與小柴胡合四物湯加青皮桔梗枳殼香附而愈彼欲絕去病根自服流氣飲遂致朝寒暮熱益加腫痛此氣血被損而然予與八珍湯三十餘劑賴其年壯元氣

易復得愈

一治婦人兩乳間出黑頭瘡瘡頂陷下作黑眼子脉弦
洪按之細小并乳癰初起亦治宜內托升麻湯

升麻

葛根

連翹

各半錢

黃耆

歸身

甘草

炙各一錢

肉桂

三分

黃柏

二分

鼠粘子

半錢

剉作一服水二分酒一分同煎食後服 此足陽明

厥藥

此因症也

一後生作勞風寒夜發熱左乳痛有核如掌脉細濡而

數此陰滯于陽也詢之已得酒遂以瓜蒌子石膏乾
葛川芎白芷蜂房生薑同研入酒飲之四貼而安

此因

症因脉
處治

一乳頭厥陰所經乳房陽明所屬厥陰者肝也乃女子
致命之地宗筋之所且各有囊素其始焮腫雖盛受
患止于一二素若膿成不刺攻潰諸囊矣壯者猶可
弱者多致不救所以必針而後愈用蒲公英忍冬藤
入少酒煎服即欲睡是其功也及覺而病安矣未潰

以青皮瓜萆桃仁連翹川芎橘葉皂角刺甘草節隨症加減煎服已潰以參耆芎歸白芍青皮連翹瓜萆甘草節煎服

一婦乳癰氣血頗實但瘡口不合百法不應與神効瓜

萆散四劑少可更與數劑及豆豉餅灸而愈

此因人因治而

處也

又有患此未潰亦與此散三劑而消良甫云如有乳勞便服此藥可杜絕病根如毒已成能化膿爲水毒未

成者從大小便中散矣

一婦乳癰寒熱頭痛與荊防敗毒散一劑更與蒲公英
一握入酒二三盞再搗取酒熱服查熱晝患處而消
此因頭痛發熱乃表症也故用表散蒲公英俗呼李
子丁夏秋間開黃花似菊散熱毒消腫核散滯氣解
金石毒聖藥

乳硬多因乳母不知調養所致或忿怒所逆鬱悶所
遏厚味所釀以致厥陰之氣不行故竅閉而汁不通

陽明之血沸騰故熱甚而化膿或因乳子膈有滯痰
含乳而睡口氣熅熱所吹而成結核初便忍痛揉軟
吮令汁透可散否則結成矣治以青皮踈厥陰之滯
石膏清陽明之熱生甘草節行污濁之血瓜蒌子蘗
毒消腫或加沒藥清橘葉皂角刺金銀花當歸或湯
或散佐以少酒若加艾火兩三壯于痛處尤妙粗工
便用針刀必惹崛病

機按前條用針以已成膿言此
條禁針以未成膿言未成膿而

針則傷良肉反增瘡勢已成膿不針則
膿蝕良肉延潰無休其意各有在也

一婦形脉稍實性躁難于後姑乳生隱核以單味青皮湯間以加減四物湯加行經絡之劑兩月而安

此因情也

腹癰一百八

一人年踰三十腹患癰腫脉數喜冷齊氏曰瘡瘍腫起

堅硬者實也河間曰腫硬瞤悶煩躁飲冷邪在內也

用清涼飲^二倍大黃三劑稍緩次以四物湯加苓連

山梔木通四劑而潰更以十宣散^四去參耆桂加金

銀花天花粉彼欲速効自服溫補藥肚腹遂腫小便

不利仍用清涼飲膿潰數椀再以托裡藥治之而愈

此因症因
脈處治

一人腹癰焮痛煩躁作嘔脈實河間曰瘡瘍火屬須分
內外以治其本又云嘔噦心煩腫硬瞽悶或皮肉不
變脈沉而實毒在內也當踈其內以絕其源用內踈
黃連湯利二三行諸症悉去更以連翹消毒散而愈

此據脈
症而治

一人腹癰膿熟開遲脈微細膿出後瘡口微膿如蟹吐

沫此內潰透膜也瘡瘍透膜十無一生雖用大補亦

不能救此可為待膿自出之戒也

此據症也

一恭人腹內一塊不時作痛痛則不知人事良久方甦

諸藥不應其脉沉細非瘡也河間云失笑散百治治症

氣及婦人血氣痛欲死並効與一服痛去六七再服

而平此藥治產後心腹絞痛及兒枕痛尤妙

按此憑脉處治

一兒十歲腹脹痛服消導藥不應彼以為毒其脉右關

沉伏此食積也河間云食入則吐胃脘癰也更兼身

體痛難移腹脹善噫舌本強食後其氣蕭然哀皆脾

病也審之因食粽得此以白酒麴熱酒服而愈

按此憑脉

憑症而治也

一人素嗜酒色小腹患毒脉弱微痛欲求內消予謂當助胃壯氣兼行經活血佐之可消彼欲速効自用敗毒等藥勢果盛瘡不潰膿飲食少思兩月餘復請診脉愈弱盜汗不止聚腫不潰肌寒肉冷自汗色脫此氣血俱虛故不能發腫成膿以十全大補湯三十餘

劑膿成針之反加煩躁脉大此亡陽也以聖愈湯二

劑仍以煎湯百劑而愈

此憑脉
症處治

疔瘡一百九

脉浮數者散之

脉沉實者下之

表裡俱實者解表攻裡

麻木大痛或不痛者並灸之更兼攻毒

疔瘡以其瘡形如丁蓋之狀也多因肥甘過度不慎房

酒以致邪毒蓄結遂生疔瘡經曰膏梁之變足生大丁是也亦有人汗滴入食肉而生亦有悞食死牛馬而生不可不慎初生頭凹腫痛青黃赤黑無復定色便令煩躁悶亂或增寒頭痛或嘔吐心逆者是也急于艾炷灸之若不覺痛針瘡四邊皆令血出以迴瘡錠子從瘡孔絛之貼以膏藥仍服五香連翹湯漏蘆湯等踈下之爲効若針之不痛無血者以猛火燒鐵針通赤于瘡上烙之令如焦炭取痛爲効亦絛前錠子貼以膏藥經一二

日膿潰根出服托裡湯散依常療之如針不痛其人眼黑或見火光者不可治此毒已入臟腑也

一人足患作癢惡寒嘔吐時發昏亂脉浮數明灸二十餘壯始痛以奪命丹一服腫起更以荆防敗毒散而愈

一人左手臂患之是日一臂麻木次日半體皆然神思昏潰遂明灸二十餘壯始不痛至百壯始痛以奪命丹一服始腫起更用神異膏及荆防敗毒散而愈

此憑

症也

一婦忽惡寒作嘔肩臂麻木手心瘙癢遂脅悶不自知其故但手有一泡此疔毒也急灸患處五十餘壯而甦又五十餘壯知痛投荊防敗毒散而愈

此因惡寒故用發表

一人脚面生疔形雖如粟其毒甚大宜峻利之藥攻之因其怯弱以隔蒜灸五十餘壯癢止再灸片時知痛更貼膏藥再以人參敗毒散一服漸愈至陰之下道遠位僻藥力難達若用峻劑則藥力未到胃氣先傷

不如灸之爲宜

此據形
症而治

一人感痘毒面生疔十餘枚腫痛脉數服荊防敗毒散

稍愈尚可畏更用奪命丹一服而愈

此憑脉
症而治

一婦六十右耳下天容穴間一疔其頭黑靨四邊泡起
黃水時流渾身麻木發熱譫語時時昏沉六脉浮洪
用烏金散汗之就用鈹針刺瘡心不痛周遭再刺十
餘下紫黑血出方知疼痛即將寸金錠子紐入瘡內
外用提疔錠子放瘡上膏日貼護次日汗後精神微

爽却用破棺丹下之病即定其疔潰動後用守効散貼塗紅玉錠子紐之八日疔出茲所謂審脉症汗下之間外治次第如此殊勝不察脉症但見發熱譫語便投下藥或兼香竄之藥遂致悞人遠矣

世人多云是瘡不是瘡且服五香連翹湯然或中或否致悞者多盖不審形氣虛實瘡毒淺深發表攻裡所因不同故也此既善于驅逐又以五般香竄佐之與漏蘆湯相間大黃爲佐大黃入陽明太陽性走不

守泄諸實熱以其峻捷故號將軍雖各有參耆漏蘆甘草之補藥寧免驅逐之禍乎

一人胸患遍身麻木脉數而實急針出惡血更明灸數

壯始痛服防風通聖散得利而愈

此憑脉症而治

一夫人面生疔腫焮痛甚數日不潰脉症俱實治以荆

防敗毒散加苓連稍愈彼以爲緩乃服托裡散一劑

勢盛痛極始誤再用涼隔散二劑痛減腫潰又與

連翹消毒散二十餘劑而愈

此憑脉症也

一人唇生疔瘡已五日腫硬脉數煩躁喜冷此胃經積熱所致先以涼膈散二六一服熱去五六更與奪命丹二粒腫退二三再以荆防敗毒散四劑而愈

按此先攻裡因其脉症而施後發表不言脉症當時必有所見

一人患之發熱煩躁脉實以清涼飲下之而愈此憑脉症而治

一鄭氏舉家生疔多在四肢皆食死牛肉所致刺去惡

血更服紫金丹百廿悉愈

一人唇下生疔脉症俱實法宜下之反用托裡故口鼻

流膿而死是謂實實之禍也

一老婦足大指患疔甚痛令灸之彼不從專服敗毒藥致真氣虛而邪氣愈實竟不救

蓋敗毒藥須能表散瘡毒然而感有表裡所發有輕重體段有上下所稟有虛實豈可一概而用之耶且至陰之下藥力難到專假藥力則緩不及事不若灸之爲速故下部患瘡皆宜隔蒜灸之不痛者宜明灸之及針疔四畔去惡血以奪命丹一粒入瘡頭孔內

仍以膏藥貼之若患在手足紅絲攻心腹者就於絲盡處刺去惡血宜服荊防敗毒散若絲近心腹者宜挑破瘡頭去惡水亦以膏藥貼之如麻木者服奪命丹如牙關緊急或喉內患者並宜噙一二丸

疔瘡丹溪用磁石爲末苦酒和封之根即出

又方

巴豆十粒半夏一大顆附子半箇蜣螂一枚各爲末用麝相和看瘡大小以紙繩子圍瘡口以藥泥上用

帛貼傳時換新藥以差爲度活人甚多

痔漏一百十

附便血
脫肛

大便秘澁或作痛者滋躁除濕

下墜腫痛或作癢者祛風勝濕

肛門下墜或作痛瀉火導濕

腫痛小便秘澁者清肝導濕

一人患痔大便躁結厥痛作渴脉數按之則實以秦艽

蒼朮湯一劑少愈更以四物加苓連槐花枳殼四劑

而愈

一人素不慎酒色患痔焮痛肛門墜痛兼下血大便乾躁脉洪按之則瀉以當歸郁李仁湯加桃仁四劑少愈更以四物加紅花桃仁條芩槐花數劑而愈

大抵醉飽入房則經脉橫解則精氣脫泄脉絡一虛酒食之毒乘虛流注或淫極強固精氣遂傳大腸以致木乘火勢而毀金或食厚味過多必成斯疾

夫受病者燥濕也爲病者濕熱也宜以瀉火和血潤

躁踈風之劑治之若破而不愈即成漏矣有串臀者有串陰者有串陽者有穢從瘡口出者形雖不同治法頗似其腸頭腫成塊者濕熱也作痛者風也大便秘結者火也潰而爲膿者熱盛血也當各推其所因而治之

一人患痔成漏登側則痛以秦艽防風湯加條芩枳殼四劑而愈以四物加升麻苓連荆防不復作

一人患痔漏登側則肛門下脫作痛良久方收以秦艽

防風湯數劑少愈乃去大黃加黃芩川芎芍藥而痛止更以補中益氣湯二十餘劑後再不脫

一婦患痔漏焮痛甚以四物加苓連紅花桃仁牡丹皮四劑少止又數劑而愈

一人便血春間尤甚兼腹痛以和血除濕湯而愈

一人素有濕熱便血治以槐花散而愈

一人糞後下血諸藥久而不愈甚危診之乃濕熱用黃連九二服頓止數服而痊

一婦素患痔漏而安因熱則下血數滴以四物加黃連治之而愈後因大勞瘡腫痛經水不止脉洪大按之無力此勞傷血氣火動而然也用八珍加黃芩連蒲二劑而止後去蒲黃芩連加地骨皮數劑而安

丹溪曰婦人崩中者由臟腑傷損衝任二脉血氣俱虛故也二脉為經脉之海血氣之行外循經絡內營臟腑若氣血調適經下依時若勞動過極

臟腑俱傷衝任之氣虛不能約制其經血故忽然而下謂之崩中暴下治宜大補氣血之藥舉養脾胃微加鎮墜心火之藥治其心補陰瀉陽經自止矣

一人因飲法酒肛門腫痛便秘脉實用黃連內疎湯而愈

一人便血過勞益甚飲食無味以六君子加黃耆地黃地榆而愈

一人糞後下血久不愈中氣不足以補中益氣湯數劑更以黃連丸數服血止又服前湯月餘不再作

一人臟毒下血服涼血敗毒藥不惟血不止且飲食少思肢體愈倦脉數按之則濇先以補中益氣湯數劑少止更以六君子加升麻炮薑四劑而止乃去炮薑加芎歸月餘脾胃亦愈常治積熱或風熱下血者先以敗毒散散之胃寒者氣弱者用四君子或參苓白

術散補之並効

一人臟毒下血脾氣素弱用六君子加芎歸枳殼地榆
槐花而愈後因謀事血復下諸藥不應予意思慮傷
脾所致投歸脾湯四劑而痊

大抵此症所致之由不一尚究其因而治之丹溪
云芎歸湯調血之上品熱加茯苓槐花冷加茯苓
木香此自根自本而論也蓋精氣生于谷氣惟大
腸下血以胃氣收功或四君子或參苓白朮散或

枳殼散小烏沉湯以和之胃氣一回血自循經絡
矣

腸風者邪氣外入隨感隨見臟毒者蘊積毒久而始
見人惟坐卧風濕醉飽房勞生冷停寒酒麪積熱
以致榮血失道滲入大腸此腸風臟毒之所作也
挾熱下血清而色鮮腹中有痛挾冷下血濁而色
黯腹內畧痛清則為腸風濁則臟毒有先便而後
血者其來也遠有先血而後便者其來也近世俗

糞前糞後之說非也治法先當解散腸胃之邪熱則敗毒散冷則不換金正氣散加芎歸後隨其症冷熱治之

河間云起居不節用力過度則絡脉傷陽絡傷則血外溢而衄血陰絡傷則血內溢而使血腸胃之絡傷則血溢腸外有寒汁沫與血相轉則併合凝聚不得散而成積矣經云腸癖下膿血脉弦絕者死滑大者生血溢身熱者死身涼者生諸方皆謂

風熱侵于大腸而然若飲食有節起居有時腸胃
不虛邪氣何從而入

一人痔漏每登廁脫肛良久方上脉細而微用補中

益氣湯

六十三餘劑遂不再作

丹溪曰脫肛屬氣熱氣虛血虛血熱 氣虛者補

氣參耆芎歸升麻血虛者四物湯

九

血熱者涼血

四物湯加黃栢肺與大腸為表裡故肺臟蘊熱則

肛閉結肺臟虛寒則肛脫出

有婦人產育用力

及小兒久痢亦致此症治宜溫肺腑腸胃久自然收矣

人痔漏口乾胃脉弱此中氣不足津液短少不能上潤而然治以黃耆六一湯_三七味白朮散_{廿一}或曰諸痛瘡瘍背屬心火宜服苦寒以泄火因致大便不禁而歿

夫諸痛瘡瘍皆屬心火言其常也始熱終寒則反常矣可泥此而不察乎

一婦糞後下血面色痿黃耳鳴嗜卧飲食不甘服涼血藥愈甚右關脉浮而弱以加味四君子湯加升麻柴胡數劑脾氣已腥兼黃連丸數劑而愈

大凡下血服涼血藥不應必因中氣虛不能攝血非補中益陽之藥不能愈切忌寒涼之劑亦有傷濕熱之食成腸癖而下膿血者宜苦寒之劑以內疎之脉弦絕瀉者難治滑大柔和者易治

一八年五十每至秋脉沉瀉而糞後下紅飲食少進倦

怠無力面色痿黃夫病每至秋而作者蓋天令至此
肅氣乃行陽氣下降人身之陽氣衰不能升舉故陰
血亦順天時而下陷矣蓋脾具坤靜之德而有乾健
之運故能使心肺之陽降肝腎之陰升自然天地和
而萬物育則無已上之症矣其原蓋因飽食筋脉橫
解則脾氣倦甚不能運化精微故食積下流于大腸
之間而陰血亦下陷矣或欲用涼血清熱之劑予曰
不惟胃氣重傷兼又愈助下降之令理宜用升陽益

胃之劑則陰血自循經隧矣數十劑後不復作

一人痔瘡腫痛便血尤甚脉洪且瀉經曰因而飽食筋脉橫解腸澼爲痔蓋風氣通肝肝生風風生熱風客則淫氣傷精而成斯疾與黃耆黃連當歸生地防風枳殼白芷柴胡槐花地榆甘草斬愈次以黃連丸

三九

而瘥又有便血數年百藥不應而色痿黃眼花頭暈亦用黃連丸而愈

一人患痔脉浮鼓午後發熱作痛以八珍湯加黃耆柴

胡地骨皮稍可彼欲速効以劫藥蝕之痛甚絕食而歿

夫瘡之貴歛氣血使然也脉浮鼓日晡痛此氣血虛也安曹五方爲高宗取痔得効官封至察使

人痔者貧富男女皆有之富者酒色財氣貧者擔輕負重飢露早行皆心肝二血喜則傷心怒則傷肝喜怒無常風血侵于大腸到穀道無出路結積成塊出血生乳各有形相婦人因經後傷冷月事傷風餘血在

心經血流于大腸小兒痢後或母腹中受熱也治方
于後

水登膏 治痔護肉

鬱金

白芨

各一兩

一方加黃連

右二味爲細末如內痔候登廁翻出在外用溫湯洗
淨側卧于床用溫水調令得中篋塗谷道四邊好肉
上以紙蓋藥留痔在外良久方用粘藥捺痔上時時
筆蘸溫水潤之不令藥乾亦勿使四散

好白礬

四兩

生信石

二錢五分

硃砂

一錢生研極細

右各研細末先用硃入磁泥罐次用白礬末蓋之煨令烟斷其硃盡隨烟去止借硃氣于礬中耳用礬爲極細末看痔大小取礬末在掌中更以硃砂小許以唾調稀篋挑塗痔上周遍一日三五上候痔顏色焦黑爲効至夜有黃水出盡爲妙至中夜上藥一遍來日依然上藥三次有小痛不妨換藥時以碗盛新水或溫湯在痔邊用筆輕洗去痔上舊藥再上新藥仍

用護肉膏次用荊芥湯澆之三兩日後黃水出將盡却于藥中增硃砂減白礬則藥力緩矣三兩日方可增減漸漸取之庶不驚人全在用藥人看痔頭轉色增減厚薄敷之此藥只借砒氣又有硃砂解之有將此二方在京治人多効二富丹溪曰瘡口不合補以大劑參耆歸朮灸以附子餅貼以補膏藥是也

一人年踰四十有痔漏大便不實服五苓散愈加泄瀉飲食少思予謂非濕毒乃腸胃虛也宜理中湯彼不

爲然仍服五苓散愈盛復請治以理中湯及二神丸

月餘而愈

此因治而
知中虛

一人因痔瘡怯弱以補中益氣湯

十

少加苓連枳殼稍

愈後因怒加甚時仲冬脉得洪大予謂脉不應時乃
腎水不足火來乘之藥不能治果歿火旺之月常見
患痔者腎脉不足俱難治

一人有痔肛門脫出此濕熱下注真氣不能外舉其脉
果虛以四君子加芎歸黃耆蒼朮黃柏升麻柴胡治

之更以五味子煎湯熏洗彼以爲緩乃用砒霜等毒藥蝕之而歿夫劫藥特治其末耳能伐真元鮮不害人戒之

一人因痔氣血愈虛飲食不甘小便不禁夜或遺精此氣虛兼濕熱非瘡也用補中益氣湯_六加山藥山茱萸五味子兼還少丹_四治之而愈

一人痔漏膿出大便諸藥不應其脉頗實令用猪腰一箇切開用黑牛末五分線扎用荷葉包煨熟空心細

嚼溫溫鹽酒送下數服頓退更服托裡藥而愈

鬚疽百十一

焮痛或發熱者祛風清熱

焮痛發寒熱或拘急者發散表邪

作膿焮痛者托裡消毒

膿已成作痛者針之

不斂或膿清者宜峻補

不作膿或膿成不潰者並用托裡

一人患此焮痛作腫發熱以小柴胡湯加連翹金銀花

桔梗四劑而消

此因症也

一人因怒後髮際腫痛發熱以小柴胡湯加連翹金銀

花天花粉四劑根畔俱消惟瘡頭作痛以仙方活命

飲二劑痛止膿熟針之更以托裡消毒藥而愈

此因情也

一老腫痛發熱膿清作渴脉軟而濇此氣血俱虛也欲

補之彼見作渴發熱乃服降火之劑果作嘔少食復

求治投六君子湯四劑嘔止食進仍用補藥月餘而

愈

此因症與脉也

夫患者臟腑氣血上下虛實

詳見潰瘍作痛第十

三條況陰症似陽陽症似陰

治論見外科心法

宜可以發熱作

渴而遂用寒涼之劑常治患者正氣虛邪氣實以托裡爲主消毒佐之正氣實邪氣虛以攻毒爲主托裡佐之正氣虛邪氣實而專用攻毒則先損胃氣宜先服仙方活命飲托裡消毒散或用灸法俟邪氣退正氣復更酌量治之

大抵正氣奪則虛邪氣盛則實蓋邪正不並立一勝

則一負其虛不待損而自虛矣若發背腦疽疔毒及患在四肢必用灸法拔引鬱毒以行瘀滯尤不可專于攻毒診其脉而辨之庶不有悞

一官肩患毒發熱惡寒大渴煩躁症似有餘脉雖大而無力却屬不足用當歸補血湯治之

此惡脉也

一人膿熟不潰脹痛針之而止更以托裡消毒散而愈凡膿熟不潰血氣虛也若不托裡必致難差

一人作膿焮痛發嘔少食以仙方活命飲一劑而止以

六君子加當歸桔梗皂角刺潰而愈

此憑症也

一人膿清不斂以托裡散加五味麥門而愈

此憑症也

一人嗜酒與煎燂年五十餘夏初左絲竹空穴忽努出

一角長短大小如雞距而稍堅予曰此少陽所過氣

多血少未易治也須斷肉味先解其食毒針灸以開

洩其壅滯彼不聽以大黃朴消腦子等冷藥盒之一

夕豁開如醬蚘徑三寸二日後蚘中洩血高數寸而

死因冷外逼氣鬱不得發宜其發之暴也如此

此憑症也

一人腫痛寒熱拘急脉浮數以荆防敗毒散二劑表症悉退更以托裡消毒散潰之而安

此因症也

一人炊腫痛甚發寒熱服十宣散愈熾診之脉數而實此表裡俱有邪也以荆防敗毒散加芩連大黃二劑少愈更以荆防敗毒散四劑而消

俞黃門年踰三十冬患鬚毒腫炊煩躁便秘脉實此膽經風熱壅上也馬氏曰瘡瘍熱實不利者大黃湯下之一劑便通瘡退更以荆防敗毒散七二劑十宣散

去桂加天花粉金銀花數劑而愈

此憑症脉也

一人頭面焮腫作痛時仲冬脉弦緊以托裡溫經湯汗之而消

趙宜人年踰七十鬢疽已潰焮腫痛甚喜冷脉實便秘

東垣云煩躁飲冷身熱脉大精神昏悶者臟腑實也

以清涼飲

二六

腫痛悉退更以托裡藥三十餘劑而平

此憑脉症也

機按前疽雖出少陽血少之分然症與脉皆属于實

故年壯者用瀉劑之重老年者用瀉劑之輕若拘以
年老或守其經禁而投補劑實實之禍難免矣

脇疽一百十二

一人年踰五十腋下患毒瘡口不合右關脉數而渴此
胃火也用竹葉黃耆湯九二而止再用補氣藥而愈嘗
治午後發渴或發熱用地骨皮散効

一人性急味厚常服躁熱之藥左脇一點痛輕脰弦重
乳知其痛處有膿與四物加桔梗香附生薑煎十餘

貼痛處微腫如指大針之少時屈身膿出與四物調

理而安

此因症因
脉而處治

一夫人左脇內作痛牽引胸前此肝氣不和尚未成瘡
用小柴胡^五加青皮枳殼四劑少可加芎歸治之而
愈

一人連年病瘡後生子三月病熱右脇下陽明少陽之
分生一瘡甫平左脇下相對又一瘡膿血淋漓幾死
醫以四物湯敗毒散數倍人參以香附爲佐犀角爲

使大料飲乳母兩月而愈踰三月忽腹脹生赤瘰如霞片取剪刀草汁調原蠶沙傳隨消又半月移脹入囊爲腫黃瑩裂開兩丸顯露水出以紫蘓葉盛麩炭末托之旬餘而合此胎毒症也

一婦因忿鬱腋下結一核二十餘年因怒加腫痛完谷不化飲食少思此腸胃虛也以六君子六加砂仁肉桂乾薑肉豆蔻泄雖止而膿清瘡口不合用十全大

補湯三十月餘而愈

此惡症也

機按前項二條脇瘡一因其性多躁急故用四物湯陰柔之劑以安靜之一因其肝氣不平故用小柴胡疎理之劑以和解之此又因其性情爲治不恃專于攻毒也

張通北人年踰四十夏月腋下患毒潰後不斂膿出清稀皮寒脉弱腸鳴切痛大便溏泄食下即嘔此寒癰而內陷也宜大辛溫之劑遂以托裡溫中湯一二貼諸症悉退更以六君子^二加炮乾薑肉桂數劑再以

十全大補湯而愈

此憑症也

一人脇腫一塊日久不潰按之微痛脉微而濡此形症俱虛也經曰形氣不足病氣不足當補不當瀉宜用人參養榮湯彼不信乃服流氣飲虛症悉至方服前湯月餘少愈但腫尚硬以艾葉炒熱熨患處至十餘日膿成以火針刺之更灸豆豉餅一又服十全大補湯三百貼而愈

此憑脉症也

盖流氣飲通行十二經諸經皆爲所損况膽經之血

木少又從而損之寧不傷生東垣曰凡一經受病止當求責其一經不可干擾餘經苟泛投尅伐之劑則諸經被戕寧無危乎

一人年三十素飢寒患右肋腫如覆瓢轉側作水聲脉數經曰陰虛陽氣湊襲寒化爲熱熱甚則肉腐爲膿即此症也及按其腫處即起是膿成遂濃煎黃耆六一湯令先飲二鍾然後針之膿出數椀虛症並至遂

用大補三月餘而愈

此過脉症也

大抵膿血大泄血氣俱虛當峻補之雖有他病皆宜緩十全大補湯^三加遠志貝母白斂續斷灸以附子

餅膿漸少調護歲餘而愈

此憑症也

一少婦胸膈間潰一竅膿血與口中所效相應而出以參耆當歸加退熱排膿等藥而愈一說此因肺痿所致

一人胸腫一塊半載不消令灸百壯方潰服大補藥不

斂灸附子餅而愈

此憑症也

一百戶患毒腫高焮赤發熱脉數大小便澀飲食如
常齊氏曰腫起色赤寒熱疼痛皮膚壯熱頭目昏重
氣血實也又曰大小便澀飲食如故腸滿膨脹胸膈痞
悶肢節疼痛身熱脉大精神昏塞臟腑實也進黃連
內疎湯^三二劑諸症悉退更以荊防敗毒散加黃芩
山梔四劑少愈再以四物加芩連白芷桔梗甘草金
銀花數劑而消

此憑脉
症也

機按此項治法雖因脉症皆實而用泄法然瀉法又

有前後次序先攻裡後發表最後又用和解前賢治病不肯孟浪如此學者可不以此爲法哉

腦疽一百十二

腫痛未作膿者宜除濕消毒黃連消毒飲之類
大痛或不痛或麻木者毒甚也
隔蒜灸之更用解毒藥

腫痛便秘者邪在內也泄之

不甚痛或不作膿者虛也托裡爲主

膿成脹痛者針之更以托裡

不作膿或不潰者托裡藥爲主

膿潰或不斂或多者大補氣血

大凡元氣一復諸病自退老弱之人不問腫潰尤當補也

一人因勞發熱脇下腫痛脉雖大按之無力此氣血虛
腠理不密邪氣襲于肉理而然也當補之以接虛怯
之氣以補中益氣湯加羌活四劑少可去羌活又百

餘劑而愈

此遇脉也

一人面白神勞脇下生一紅腫如桃教用補劑不信乃用流氣飲十宣散血氣俱憊而死

一人年踰二十腋下患毒十餘日腫硬不潰脉弱時嘔予謂腫硬不潰陽氣虛嘔吐少食胃氣弱宜六君子湯加砂仁藿香彼謂腫瘍時嘔毒氣攻心潰瘍時嘔陰虛宜補予曰此丹溪大概言也若腫赤痛甚煩躁脉實而嘔爲有餘當作毒氣攻心而下之以瘡屬心

火故也腫硬不潰脉弱時嘔爲不足當補之亦有痛
傷胃氣或感寒邪穢氣而嘔者雖腫瘍尤當助胃壯
氣蓋腫瘍毒氣內侵作嘔十有一二潰瘍濕氣內傷
作嘔十有八九彼不信飲攻伐藥愈甚復請診脉微
弱而發熱予謂熱而脉靜及脫血脉實汗後脉躁皆
難治果歿

此憑脉
症也

胸瘍一百十四

一夫人性剛多怒胸前作痛肉色不變脉數惡寒經曰

洪數脉應發熱反惡寒瘡疽也今脉洪數則膿已成但體豐厚故色不變似乎無膿以痛極始肯針入數寸膿數椀以清肝消毒藥治之而愈設泥其色而不用針無可救之理

此憑症脉也

一人年踰四十胸患瘡成漏日出膿椀許喜飲食如常用煩躁飲冷脉實而痛宜瀉火

一人素不慎起居飲食熾赤腫痛尺脉洪數以黃連消毒散一劑濕熱頓除惟腫硬作痛以仙方活命飲二

劑腫痛悉退但瘡頭不消投十宣去桂加金銀花葉
本白朮茯苓陳皮以托裡排膿彼欲全消自制黃連
解毒散二服反腫硬不作膿始悟仍用十宣散加白
朮茯苓陳皮半夏腫少退仍去桂又四劑而膿成腫
勢亦退繼以八珍湯加黃耆五味子麥門月餘膿潰
而愈

此過脉
症也

夫苦寒之藥難治陽症尤當分表裏虛實次第時宜
豈可始末悉用之然焮腫赤痛尺脉數按之則濡乃

膀胱經濕熱壅盛也故用黃連消毒散以解毒除濕
顧腫硬作痛乃氣血凝滯不行而作也遂用仙方活
命飲以散結消毒破血也其瘡頭不消蓋因熱毒薰
蒸氣血凝滯而然也宜用甘溫之劑補益陽氣托裡
以腐潰之況此症原屬腎脉經因虛火盛而出若不
審其因專用苦寒之藥胃氣以傷何以腐化收斂幾
何不致于敗耶凡瘡易消散易腐潰易收斂皆氣血
壯盛故也

一人耳後漫腫作痛肉色不變脉微數以小柴胡湯加
芎歸桔梗四劑腫少起更以托裡消毒散數劑脉活
數此膿已成宜針彼畏不從因痛極始針出膿碗許
以托裡藥兩月餘始安

此惡脉
症也

一人腦疽腫痛脉數以黃連消毒散二劑少退與仙方
活命飲二劑而止再以當歸川芎芍藥金銀花黃柏
知母而潰又以托裡藥而愈

此惡脉
症也

一人頭項俱痛雖大潰腫痛益甚兼作瀉煩躁不睡飲

食少思其勢可畏診其脉毒尚在與仙方活命飲二劑腫痛退半與二神丸及六君子湯加五味麥門酸棗仁四劑諸症少退食頗進睡少得及與參苓白朮散數服飲食頗進又與十全大補湯加金銀花白芷桔梗月餘差

一老患此色赤腫痛脉數有力與黃連消毒散二劑少退更與清心蓮子飲四劑而消

此惡脉症也

一人腫硬不作膿惟瘡頭出水疼甚以仙方活命飲二

劑痛止而膿成針之更以托裡藥而愈

一婦腦左腫痛左鼻出膿年餘不愈時或掉眩如坐舟車許叔微曰肝虛風邪襲之然也以川芎一兩當歸三錢羌活旋覆花細辛防風蔓荊子石膏藜蘆本荊芥穗半夏麴乾地黃甘草各半兩每服一兩薑水煎服一料而愈

機按此條認作肝虛風邪襲之而治以去風清熱養血祛痰之劑因其掉眩痛偏于左也經曰諸風掉眩皆

屬肝木又病偏左乃肝膽所主又曰風從上受之又
曰無痰不成眩暈又曰肝藏血又曰風乃陽邪故方
以風熱痰血而主治者理也

一人腦疽已十餘日面目腫閉頭焮如斗脉洪數煩燥
飲冷此膀胱濕熱所致用黃連消毒飲百十九二劑次

飲槐花酒二碗頓退以指按下腫則復起此膿已成
于頸額肩頰各刺一孔膿並湧出口目始開更以托
裡藥加金銀花連翹三十餘貼而愈

此憑脉
症也

一兒頭患白瘡皮光且急諸藥不應名曰腦疳瘡乃胎毒挾風熱而成服龍膽丸百十及吹蘆會末鼻內薰搽解毒散而愈若重者髮結如穗腦熱如火遍身出汗腮腫胸高尤宜此藥

機按龍膽丸蘆會末皆涼肝膽殺虫之劑蓋肝膽主風又風木自甚則生虫故治疳多此藥也

一人素飲酒九月患腦之下項之上出小瘡後數日腦項麻木腫勢外焮瘍醫處五香連翹且云不可速療

俟膿出用藥或砭刺三月可平四月如故予曰凡瘡
見膿九死一生果如醫言則束手待斃矣且膏粱之
變不當投五香當先火攻然後用藥以大艾炷如兩
核許者灸至百壯乃痛次爲處方足太陽膀胱經其
病逆當反治脉得弦緊按之洪大而數有力必當伏
其所主而先其所因其始則同其終則異以時言之
可收不可汗經與病禁下法當結者散之醎以裏之
然寒受邪而又禁醎遂以諸苦寒爲君甘寒爲佐酒

熱爲因用大辛以解結爲臣三辛三甘益元氣而和
血脉淡滲以導酒濕扶持秋令益氣瀉火以入本經
藥通經爲引用故以羌活獨活防風藁本連翹以解
結黃連芩栢知母酒製以瀉火生甘草泄胃火補下
焦元氣參耆橘皮以補胃但參耆甘草配諸苦寒藥
三之一多則滋營氣補土濕邪也蘓木歸尾去惡血
生地黃補血酒防已除膀胱留熱澤瀉助秋去酒濕
熱凡此諸藥必得桔梗爲舟楫乃不下沉服之投床

大鼾日出乃寤以手捫瘡腫減七八至瘡痂斂都十四日而已

機按脉之緊弦主瘡痛按之洪數主內熱大陽寒水而受陽熱故曰其病逆寒水之經而用寒涼之藥故曰反治此因脉因經因其所嗜而制此方也

一人患腦疽勢劇脉實用黃連消毒散不應以金銀藤二兩水二鍾煎一鍾入酒半碗服之勢去三四再服漸退又加黃栢知母瓜蒌當歸甘草節數劑而潰止

加黃耆川芎白芷桔梗數劑而愈

機按此條憑脈而治也

一人腦疽其頭數多痛不可忍服消毒藥不應更以金銀花服之即斡睡覺而勢去六七再四劑而消

一人所患尤甚亦令服之腫痛頓退但不能平加黃耆當歸瓜蒌仁白芷桔梗甘草節數劑而愈

前條因治不應而變法後條因症而處治

一人膿將成微痛兼渴尺脉大而無力此陰虛火動之症彼謂心經熱毒自服清涼降火藥愈熾復求治乃

以四物湯加黃柏知母五味麥門黃耆及加減八味

丸渴止瘡潰更以托裡藥兼前丸而愈

此憑脉也

一婦膿成不潰脹痛欲嘔飲食少思急針之與托裡藥

而愈

此憑症也

一婦腦疽不甚痛作膿以托裡消毒膿成針之補以托

裡藥亦愈

此憑症也

一老人膿清兼作渴脉軟而濇予以爲氣血俱虛用八

珍湯加黃耆五味彼不信乃服降火之劑果反作嘔

少食始信服香砂六君子湯四劑嘔止食進仍投前

湯月餘而愈

此脉過症也

一人未潰兼作渴尺脉大而無力以四物湯加黃柏知

母黃耆麥門四劑而渴減又與加減八味丸渴止瘡

潰更用托裡藥兼前丸而愈

此過症也

一夫人年踰八十腦疽已潰發背繼生頭如栗許脉大

無力此膀胱經濕熱所致脉無力血氣衰進托裡藥

消毒數服稍可更加參耆雖起而渴此血氣虛甚以

參耆各一兩歸地各五錢麥門五味各一錢數服渴
止不潰加肉桂十餘劑膿成針之瘀肉漸腐徐徐取
去而膿清不飲投十全大補湯_二加白飲貝母遠志
三十餘劑膿稠而愈設不峻補不去腐肉以渴爲火
投以涼藥寧免死哉 瘡疽之症雖屬心火當分表
裏虛實果元氣充實內有實火寒劑或可責効若寒
涼過度使胃寒脾弱陽症變陰或結而不潰或潰而
不斂陰陽乖戾水火交爭死無日矣

機按此憑形憑脈憑症而治之

也

一人腫痛脉數以荊防敗毒散二劑而痛止更以托裡

消毒藥而消

此憑脉也

一人焮腫疼痛發熱飲冷脉洪數與涼膈散二劑而止

以金銀花四劑而潰更以托裏藥而愈

此憑症脉也

一老婦稟實潰而痛不止脉實便秘以清涼二劑而止

便以托裏消毒藥而愈

此憑脉也

一婦年踰七十冬至後腦出疽如甌面大瘍醫診視候

熟以針出膿因怒笞婢疽輒凹陷一韭葉許面色青黃不澤四肢逆冷汗出身清時嘔吐脉極沉細而遲盖緣衰老之年嚴寒之時病中苦楚飲食淡薄肥膿之氣色滌瘦悴之形獨存加之暴怒精神愈損故有此寒變也病與時同速製五香湯一劑加丁香附子冬五錢劑盡疽復大發隨症調理而愈

經曰治病必察其下謂察時下之宜諸痛瘡瘍皆屬心火言其常也如瘡盛形羸邪高痛下始熱終寒此

反常也固當察時下之宜而權治之不可執一

機按此條年老冬寒理宜溫補茲用五香湯加丁附以辛散何也蓋因其怒氣鬱結阻碍陽氣不得營運致疽凹陷且脉極沉細而遲其爲氣鬱可知矣故用五香以開結丁附以助陽則鬱散陽復疽乃大發此亦因其性因其脉而爲治也

一人腦疽作渴脉雖洪按之無力予咬咀加減八味丸與之彼不信用滋陰等藥七惡併至而歿精要曰

患疽雖云有熱皆因虛而得之愈後作渴或先渴後
疽非加減八味丸不能治

一婦年將七十形實性急好酒腦疽纔五日脉緊急又
瀉急用大黃酒煨細切酒拌炒爲末又酒拌人參炒
入薑煎調一錢服過兩時再與得卧而上半身汗睡
覺病已失此亦內托之意

機按此治因性急因好酒兼因其脉而制此方脉緊
急且瀉由其性急嗜酒以傷其血而然故用大黃以

洩酒熱人參以養氣血也

一人便血數年舌下筋紫午後唇下赤胃肺脉洪予謂
大腸脉散舌下大腸有熱故舌下筋紫而又便血胃
脉環承漿唇下即承漿午後因火旺故承漿發赤盖
胃爲本肺爲標乃標本有熱也用防風通聖散^四爲
九治之而愈後每睡覺驚跳而起不自知其故如是
者年餘腦發一毒焮痛左尺脉數此膀胱經熱而然
服黃連消毒散數劑少愈次服金銀花瓜萋甘草節

當歸月餘而平

機按便血之後睡覺驚跳者由失血陰虛心失所養而然陰虛陽必亢頭爲諸陽之首故亢陽上從于陽疽發于腦此條治法因經因脉而制方也


杜清碧病腦疽療之不愈丹溪往視之曰何不服防風通聖散十四曰已服數劑丹溪曰合以酒製之清碧乃

自悟以爲不及

此同症也

一舉人年踰四十患腦疽腫焮其脉沉靜此陽症陰脉

斷不起果歿



外科理例卷四